


九經古義
一







九 經 古 義

(一)

惠 棟 學

九經古義述首

漢人通經有家法。故有五經師。訓詁之學。皆師所口授。其後乃著竹帛。所以漢經師之說。立於學官。與經並行。五經出於屋壁。多古字古言。非經師不能辨。經之義存乎訓。識字審音。乃知其義。是故古訓不可改也。經師不可廢也。余家四世傳經。咸通古義。守專室。呻稿簡。日有省也。月有得也。歲有記也。顧念諸兒。尚幼。日久失其讀。有不殫將落之憂。因述家學。作九經古義一書。吾子孫其世傳之。毋墜名家韻也。惠棟識。

九經古義目次

- 周易古義 卷第一 卷第二
尙書古義 卷第三 卷第四
毛詩古義 卷第五 卷第六
周禮古義 卷第七 卷第八
儀禮古義 卷第九 卷第十
禮記古義 卷十一 卷十二
左傳古義 一名補注總四卷另編 ○文藻按左傳補注實六卷
公羊古義 卷十三 卷十四
穀梁古義 卷十五
論語古義 卷十六

九經古義卷第一

東吳惠棟學

周易古義上

說文曰。秘書說日月爲易象陰陽也。虞仲翔易注引參同契亦云。字久。日下月。參同契曰。易謂坎離。又曰。日月爲易所謂祕書者。參同之類也。

坤初六象履霜堅冰。陰始凝也。案文冰當作久。凝當作冰。余正釋器云。冰。脂也。郭璞曰。莊子云。肌膚若冰雪。冰。雪脂膏也。孫炎本作凝脂。云膏凝曰脂。詩云。膚如凝脂。卽冰脂也。古文尙書亦以冰爲凝。說文云。凝俗冰字。

六二直方大。鄭注云。直也。方也。地之性。此爻得中氣。而在地上。自然之性。廣生萬物。故生動直而且方。熊氏經說云。鄭氏古易云。坤爻辭履霜直方。含章括囊。黃裳玄黃。協韻。故象傳。文言皆不釋大。疑大字衍。坤至柔而動也剛。九家易曰。坤一變而成震。陰動生陽。故動也剛。宋時臨安僧曇瑩云。動者謂爻之變也。坤不動則已。動則陽剛見焉。在初爲復。在二爲師。在三爲謙。自是以往皆剛也。洪景廬以其言爲善。而不知漢易已有是說矣。

屯初九。磐桓。利居貞。仲秋。下句碑作股桓。釋文云。本亦作盤。案古盤字皆作般。與股同。尚書盤庚。蔡邕石經作般。此與漸六二磐字皆當作般。郊祀志云。鴻漸于般。孟康曰。般。水涯堆也。

上六。泣血漣如。棟案漣本波瀾之字。說文引作漣。或古从立心。篆書水心相近。故誤爲漣。陸德明亦引說文。而不云字異。明不從水旁。淮南子引此經。又作漣。从省文。毛詩泣涕漣漣。亦當从心。連聲。

蒙蒙曰。匪我求童蒙。童蒙求我。高誘引云。童蒙來求我。釋文云。一本有來字。

初六。以往吝。說文引作遯。云行難也。棟案史書遯本吝字。見汗簡。此易經古文。漢書魯安王晚節遯。王莽傳。性實遯。晉廣雅曰。遯。踈也。音良。鎮反。小顏云。遯讀與吝同。周伯琦六書正譌云。憐行難。从人。鄰聲。又謹選也。別作遯非。是與說文。漢書異。

需象曰。君子以飲食宴樂。棟案歸藏易。需卦之需作溲。說文大部云。溲。从犬。需聲。讀若樛奴。豆切。是需有溲音。禮記儒行曰。飲食不溲。鄭氏注云。恣滋味爲溲。溲之言欲也。故象言飲食宴樂。左傳昭十五年傳云。辱必求之。吾助子請。說苑敬慎篇云。諺曰。誠無垢。思無辱。辱與垢協。是讀爲溲。服虔曰。辱。欲也。古文易不可考。然溲字不爲無說。鄭氏注易云。需讀爲秀。

九二。需于沙。鄭本沙作沚。棟案沚當作沚。與沙同。說文云。沙。水散石也。从水从少。水少沙見。譚長說沙或作沚。从止。程天子傳云。天子東征。南絕沙衍。辛丑。天子渴於沙衍。求飲未至。郭璞云。沙衍。水中有沙者。水少沙見。故象云。需於沙衍。或以衍屬下句讀。非也。

詔上九終朝三褫之。說文云：褫，奪衣也。讀若池。鄭康成本作三挖之。晉徒可反。棟案：淮南人閒訓云：秦牛缺遇盜，挖其衣被。高誘曰：挖，奪也。是挖與褫字異而義同。晁以道讀爲拖紳之拖。楊慎以爲終朝三挖之，以誇於人。真小兒強解事也。拖紳之拖，本作挖。見說文。

師貞丈人吉。康成云：注，丈之言長，講御衆有正人之德，以法度爲人之長。吉而无咎。王弼曰：丈人嚴莊之稱也。棟案：彖辭言能以衆正，可以王矣。此有天下之稱也。謂之丈人可乎？易緯乾鑿度：孔子曰：易有君人五號也。帝者天稱也。王者美行也。天子者爵號也。大君者與上行異也。大人者聖明德備也。變文以著名，題德以別操。歷舉五號，獨不及丈人。知丈人非王者之稱也。崔憬曰：子夏傳作大人，謂王者之師斯得之矣。

比彖曰：比，輔也。案鄭氏尙書云：郟成五服，至其五千。說文同作郟，云輔信也。注云：敷土既畢，廣輔五服之，口而成之。面方各五千里，四面相距爲方萬里。禹所受地，記書曰：崑崙山東南地方五千里，名曰神州。禹郟五服之殘數，亦每服者各五百里，故有萬里之界，萬國之封。比，輔也。輔成五服，此建萬國之象。比，比也。有孚盈缶，此親諸侯之象。所謂先王者，其夏后氏乎？

九五：王用三驅，鄭本作毆。案說文：驅，馬馳也。古文作毆。从支。漢書皆以毆爲驅。康成傳：費氏易，費直本皆古字。號，古文易，當从之是正。

小畜九五：有孚攣如。依字當作攣。古戀字。子夏傳作戀。案隸釋：漢唐公所碑，及景君碑，皆以攣爲戀。知古

文戀字作擊也。

履九二。幽人貞吉。虞翻曰：訟時二在坎獄中，故稱幽人。象曰：幽人貞吉，中不自亂也。虞云：雖幽訟獄中，終辨得正，故不自亂。荀彞子曰：公侯失禮則幽。注云：如晉文執衛成公，實諸深室，禮說云：今學者輒目高士爲幽人，非也。

九四：愬愬終吉。說文引作𪔐𪔐。馬季長本同呂覽，引作愬愬。高誘曰：愬讀如𪔐。

上九：視履考祥。丙子學易編云：考祥古本或作考詳。晁氏曰：荀作詳，審也。文意尤順。棟謂古祥字皆作詳。石經尙書及左傳公羊猶然。

泰九二：包荒。說文引作𪔐。从川亡，云水廣也。釋文云：本亦作𪔐，音同。鄭氏云：𪔐讀爲康，虛也。穀梁傳云：四穀不升爲之康，康是虛𪔐之名，其義同也。

六五：帝乙歸妹。虞翻以帝乙爲紂父，荀爽以帝乙爲湯。見本傳。易乾鑿度：孔子曰：自成湯至帝乙，帝乙湯之玄孫之孫也。此帝乙卽湯也。殷錄質以生日爲名，順天性也。玄孫之孫，外絕恩矣。同以乙日生，疏可同名。湯以乙生嫁妹，本天地正夫婦，夫婦正則王教興矣。故易之帝乙爲成湯，書之帝乙六世王同名，不害以明功。

同人九五：同人先號咷而後笑。毛居正六經正誤云：後笑作笑誤。案笑字古作笑。从八，象眉目悅兒。後轉作竹，轉作夭。天矣之兒。天本有點，省文作夭。俗訛作笑。東坡謂以竹擊犬，有何可笑者。戲言以譏王荊。

公字說之穿鑿耳。棟案笑字古文皆作矣。說文無笑字。李陽冰刊定說文。始从竹。从夭。義云。竹得風其體天屈。如人之笑。故毛氏據以爲說。非也。古本漢書薛宣傳云。壺矢相樂。應劭曰。以壺矢相樂也。今本云。壺矣相樂。晉灼曰。書篆形。壺矣字。象壺矢。因曰壺矢。然則矣爲古笑字。審矣。李陽冰多臆說。吾所不取。

謙亨君子有終。子夏傳作噤。案漢書藝文志曰。易之噤噤。封禪文云。噤讓而弗發。尹翁歸傳云。溫良噤退。師古曰。噤古謙字。史記樂書及馮煥殘碑。皆以噤爲謙。汗簡云。

象曰。鬼神害盈而福謙。京房作富謙。後漢劉修碑亦云。鬼神富謙。郊特性云。富也者。福也。

豫象曰。四時不忒。京房忒作貳。尙書洪範曰。衍忒。史記引作貳。管子曰。如四時之不忒。如星辰之不變。皆古忒字。月令云。無或差貸。貸卽忒也。呂覽正作忒。貸當爲貳字之誤。

九四曰。朋盍簪。侯果云。朋从大合。若以簪筓之固括也。案士冠禮云。皮弁筓。鄭注云。筓今之簪。說文曰。先首筓也。从人。匕象簪形。俗先作簪。从竹。簪。然則簪本先。經傳皆作筓。漢時始有簪名。侯氏之說非也。子夏。鄭玄。張揖。王弼。皆訓簪爲疾。或云速。明非簪字。陸德明曰。古文作貳。京作擗。馬作賊。荀作宗。虞翻作戠。云坤爲益。戠聚會也。坎爲聚。坤爲衆。衆陰並應。故朋益戠。戠舊讀作擗。作宗。禮說曰。戠與得協韻。當从虞義。玉篇戠音之力切。鄭氏尙書云。厥土赤。說填讀曰戠。

隨初九。官有渝。蜀才作館。案官本古文館。程天子傳云。官人陳牲。聘禮云。管人布幕于寢門外。鄭注云。管

猶館也。古文管作官。

觀上九。觀其生。君子无咎。京房曰。言大臣之義。當觀賢人。知其性行。推而貢之。京以觀之內象。陰道已成。威權在臣。故有是象。

噬嗑象。先王以明罰敕法。釋文作勅。恥力反。云。此俗字也。字林作勅。鄭云。勑猶理也。一云整也。毛居正六經正誤云。勑法監本誤作敕。舊作勑。紹興府注疏本。建安余氏本。皆作勑。伏觀高宗皇帝御書石經。作勑法。鄭康成解勑爲理。是漢以來作勑字也。顧氏金石記云。勑者。自上命下之辭。前漢皆作敕。後漢始變爲勑。五經文字曰。敕古勑字。今相承皆作勑。郭宗昌金石史。以爲從來旁力。別音賚。今尙書皋陶謨。益稷。康誥。多士。詩楚茨。易噬嗑大象之文。並作勑。又何說也。周禮樂師詔來瞽皋舞。注云。來。勑也。勑爾瞽。率爾衆工。奏爾悲誦。肅肅雍雍。毋怠毋凶。鄭康成漢人也。其訓來爲勑。又何哉。棟案訓來爲勑。此先鄭之言。後鄭所不從。顏氏以爲康成誤矣。郭氏訓勑爲賚。蓋本張有復故編。案秦和鍾云。萬生是敕。或訓爲賴。是敕亦可讀爲賴。則勑亦非古字矣。古字省多借。飭爲勑。或作飾。漢藝文志引易云。明罰飭法。史記五帝紀云。信飭百官。徐廣曰。飭古勑字。雜卦云。蠱則飭也。高誘呂覽注云。飾讀爲勑。勑。正也。離俗兒。

九四。噬乾肺肺。說文引作愈。食所遺也。揚雄說愈从肺。

賁。傅氏曰。賁古斑字。文章貌。棟案高誘注呂覽曰。賁色不純也。詩曰。鶉之賁賁。張揖廣雅。玉賁飾也。曹憲音奔。云周易賁卦。今人多彼寄反。失之。傅氏以賁爲斑。未聞其說。京京氏易傳云。賁者失也。五代不成。

謂之賁文彩鞋也。故孔子筮得賁卦，以爲不吉，詳見禮說。

大畜六四，童牛之牯。劉敞曰：牯之言角。案牯爲牛馬，非角也。九家作告。說文引云：僮牛之告。告者，牛觸人角著橫木，所以告也。从口从牛。鄭本作牯，謂施牯於前足是也。鄭志：洽剛問大畜六四，童牛之牯。元吉，注巽爲木，互體震，震爲牛之足，足在艮體之艮，爲手持木以就足，是施牯。又蒙初六，注云：木在足曰桎，在手曰牯。今大畜六四，施牯于足，不審桎牯手足，定有別否。答曰：牛無手，以前足當之。棟案釋名曰：牛羊之無角者曰童。大玄云：童牛角馬。明童牛者，無角之稱。童牛無角，是牯施於前足。許鄭二說近之。今作牯者非也。

大過九二，枯楊生稊。老夫得其女妻，无不利。象曰：老夫女妻，過以相與也。此爻象辭及九五爻辭，漢魏以來，諸儒訓詁，皆不得其說。謹案易說曰：凡卦皆二應五，初應上，唯大過之象，無所不過，故二過應上，五過取初，兌少女稱女妻，巽長女稱老婦，聖人觀象繫辭，故有是占。不然，則過以相與之語，果何所謂耶。此說見虞仲翔易解，獨闕從來謬妄。惜宋元諸儒，從未理會及此。

坎六四，樽酒簋二。案樽，俗尊字。鄭注禮器，引作尊，或又作樽。曹憲文字指歸云：檢字無此，从缶从木者，說文云：字从缶，寸，酒官法度也。今之尊卑，從此得名。故尊亦爲君父之稱。棟案說文：尊，正字，尊或字，無酒官法度等語，則知今本所傳說文，非全書也。曹憲說見余正釋文。

上六，賓于叢棘。范甯引云：繼用徽纆，繫與繼通。釋詁：係，繼也。示于叢棘，云：古疑獄三年而後斷。劉表亦作

示言衆議於九棘之下。案示與寘古本通。毛詩鹿鳴云。示我周行。鄭箋云。示當作寘。寘置也。蓋三家或有作寘者。故讀从之。又卷耳詩。有寘彼周行之語。又鄭注中庸云。示讀如寘。諸河干之寘。寘置也。或作寘。或作示。是字通之驗。後漢陳寵上疏云。文王重易六爻。而列叢棘之譴。

離利貞亨。畜牝牛吉。九家說卦云。離爲牝牛。虞翻曰。坤爲牝牛。乾二五之坤。成坎體。頤養象。故畜牝牛吉。俗說皆以離爲牝牛。失之。棟案九家說卦。如乾後更有四。後更有八之類。皆虞氏所不信。故以離爲牝牛爲非。然左傳卜楚丘曰。純離爲牛。離一陰居二陽之中。中美能黃。故六二謂之黃離。牝牛之象。畜之者。育其類也。與九家合。虞氏失之。

離九四。突如其來如。焚如。死如。棄如。說文引易曰。突如其來如。不孝子突出。不容於內也。又云。不順忽出也。周伯琦六書正譌云。古官骨切。子不順生。有古之義。俗用突乃龜肉也。或从𤑔。倒古文學。卽易突字。鄭康成曰。震爲長子。爻失正。不知其所如。不孝之罪。五刑大莫焉。得用議貴之辟。刑若如所犯之罪。焚如。殺其親之刑。死如。殺人之刑也。棄如。流宥之刑。周禮掌戮云。凡殺其親者。焚之。甸奴傳云。王莽作焚如之刑。應劭曰。易有焚如。死如。棄如之言。莽依此作刑名也。如淳曰。焚如。死如。棄如者。謂不孝子也。不畜於父母。不容於朋友。故燒殺棄之。莽依此作刑名也。

咸九五。咸其脢。脢。王肅音灰。云。脢在背而夾脊。案楚辭招魂云。敦脈血。搯注云。脈。背也。脢與脢同。馬融亦云。背也。从月灰聲。故音灰。

上六咸其輔頰舌。虞翻本輔作齟。云耳目之間說文齟頰也。玉篇引左氏傳云齟車相依是齟與輔同。輔近口在頰前。淮南子云齟輔在頰前則好。耳目之間爲權。權在輔上。故洛神賦云齟輔承權。史九三壯于頄是也。頰所以含物。輔所以持口。孔穎達云輔頰舌三者並言則各爲一物。明輔近頰而非頰。虞以權爲輔。許以輔爲頰。皆失之。大招云齟輔奇牙。王逸云頰有齟輔。明輔非頰。

上六象曰。滕口說也。鄭虞皆作滕。虞云滕送也。不得之三。山澤通氣。故滕口說矣。鄭云咸道極薄。徒送口言語相感而已。不復有志於其間。棟滕當讀爲騰。騰傳也。淮南子曰子產騰辭。後漢隗囂傳云帝數騰書。隗高誘許慎皆訓騰爲傳。滕本古文騰字。燕禮曰滕觚于賓。鄭注云滕送也。今文滕皆作騰。是騰與滕通。又案釋詁云滕虛也。以虛辭相感義亦得通。

遜釋文云字又作遠。案歸藏易遜卦字亦作遠。毛詩雲漢曰寧俾我遜。本亦作遠。漢書匈奴傳云遠逃竄。伏敘傳述贊曰攜手遠秦。小顏皆云古通字。說文遠遷也。遜遠也。

大壯九三羝羊觸藩羸其角。馬融曰羸大索也。王肅本作縲。音螺。鄭虞作縲。蜀才作累。張璠作縲。案說文縲大索也。與馬訓同。則羸當爲縲。或古文以羸爲縲。所未詳也。

晉說文引作晉云日出萬物進。周伯鄩父鼎。晉姜鼎皆然。今作晉者非也。古文奇字作晉。釋詁云晉進也。

釋文云本又作晉。

康侯用錫馬蕃庶。鄭氏云康尊也。廣也。蕃庶謂蕃遞禽也。庶音止奢反。棟案管子侈廉篇云六畜遞育。五

穀遮熟則蕃遮猶蕃育也。

明夷六二用拯馬壯。說文引作拊。云上舉也。子夏本同。孔漢髦碑亦以拊爲拯。李登聲類又作丞。玉篇淮南子曰。子路橙溺。高誘曰。橙舉也。升出溺人。說文云。拊又作橙。徐鉉曰。今俗作拯非是。列子黃帝篇曰。並流而承之。注云。音拯。方言出溺爲承。

睽六三見輿曳其牛掣。說文引作犛。云一角仰也。从角切聲。鄭作掣。云牛角皆踊曰掣。子夏作掣。荀爽作觶。虞翻曰。牛角一低一仰。故稱犛。余正牛屬云。角一俯一仰。觶字林音丘。戲反。云一角低一角仰。樊光云。傾角曰觶。牛屬。又云皆踊犛。郭璞云。今豎角牛。釋文云。字亦作掣。字林音之。女反。从虞翻說。當依荀氏作觶。从鄭氏說。當依余正作掣。張有復古編云。犛从角掣省。別作掣非。犛从角掣。故子夏傳作掣。觶角一低一仰。故荀爽作觶。諸家無作掣者。王弼以爲其牛掣者。滯隔所在不獲進。是讀爲牽掣之字。失之。玉篇掣或作掣。或作掣。从角折。折與制通。或从角。或从牛。是掣字當作掣。从牛。

上九先張之弧。後說之弧。釋文云。下弧字本亦作壺。諸家皆作壺。今作弧者。聲之誤也。左傳狐貍禮記作壺。毛詩八月斷壺。傳云。壺。弧也。虞仲翔曰。五已變乾爲先。應在三。坎爲弧。離爲大腹。張弓之象也。故先張之弧。四動艮爲後。說猶置也。兌爲口。離爲大腹。坤爲器。大腹有口。坎酒在中。壺之象也。之應。歷險以與兌。故後說之壺。案禮說云。古說與設通。虞翻云。猶置也。離上與兌三陰相應。而家道睽乖。故先疑後釋。張弧者。拒之如外寇。三五五象坎坎爲盜。設壺者。禮之若內賓。壺誤爲弧。失其義矣。揚子太玄曰。家

無壺婦承之姑壺者家之禮法。故家無壺。婦無以承姑。妻無以事夫。上九六三。婚媾之象。始以爲寇也。故先張之弧。非寇乃婚媾。故後設之壺。昏禮設尊於室爲內尊。又尊於房中東爲外尊。此之謂設壺。解彖曰。雷雨作而百果草木皆甲坼。釋文云。馬陸坼作宅。云。根也。鄭康成注云。木實曰果。皆讀如人倦之解。解謂坼。疇。火亞反。皮曰甲。根曰宅。宅居也。棟案古文宅字作寔。與坼相似。故誤作坼。馬鄭皆从古文。非改坼爲宅也。

損。曷之用。二簋可用享。簋。蜀才本作軌。棟案公食大夫禮云。設黍稷六簋于俎西。鄭氏注云。古文簋皆爲軌。周禮小史云。敘昭穆之俎。簋注云。故書簋或爲几。鄭司農云。几讀爲軌。古文也。說文曰。古文簋或作匱。或作枕。蜀才依古文故作軌。又渙之九二云。渙奔其枕。枕亦古文簋。渙宗廟中故設簋。

象曰。君子以懲忿窒欲。釋文懲作微。鄭康成云。微清也。讀從楚辭。不清微其然否。左傳襄廿七年云。以微過也。杜氏云。微審也。清微也。案懲當作微。讀爲懲。古懲字皆作微。史記引詩。荆茶是微。今毛詩及孟子皆作懲。非也。

史九五。莧陸史史。虞仲翔曰。莧說也。莧讀如夫子莧爾而笑之莧。陸和睦也。震爲笑言。五得正位。兌爲說。故莧陸史史。舊讀言莧。陸字之誤也。馬君荀氏皆從俗言莧。陸非也。棟案論語莞爾而笑。莞本作莧。見釋文。邢昺撰論語疏。依唐石經作莞。从俗作也。古陸字亦作陸。見唐扶頌及嚴舉碑。蜀才所訓與虞同。萃彖曰。利見大人亨。聚以正也。荀爽本聚作取。棟案古聚字或作聚。或作取。漢書五行志云。取不達。茲謂

不知注云取讀爲聚古文省。

九經古義卷第二

周易古義下

困上六。困于葛藟。于臲臲。說文引作𦉰。𦉰。薛虞作剝。𦉰。案文當作𦉰。𦉰。鄭康成注周禮云。𦉰。古文臬。古文
圖亦作𦉰。見儀禮注。假借字。尙書曰。邦之杌隍。孔氏傳云。杌隍不安。言危也。說文亦云。𦉰。不安也。剝
本剝字。𦉰。無考。𦉰。杌皆古文。今臬兀從危旁。當是後人所加。

鼎上九。鼎玉鉉大吉。說文曰。𦉰。以木橫貫鼎耳而舉之。周禮。廟門容大。𦉰。七簡。今作局。卽易玉鉉大吉也。
又云。鉉舉鼎也。易謂之鉉。禮謂之𦉰。案儀禮士冠禮曰。設局。𦉰。注云。今文局爲鉉。古文𦉰爲密。又士昏
禮注云。局所以扛鼎。𦉰。覆之。是局爲古文鉉。許叔重以𦉰。當之。未詳。

豐彖曰。日中則昃。釋文从此。今本作仄。孟喜本作稷。棟案尙書中候。握河紀云。朐明禮備。至於日稷。鄭康
成注云。稷讀曰側。伏琛齊地記云。齊城西門側。系水出。故曰稷門。古側稷音相近耳。穀梁春秋經云。戊
午日下稷。公羊左傳皆作昃。范甯曰。稷昃也。下昃謂晡時。靈臺碑云。日稷不夏。今尙書稷作昃。夏作暇。
是稷與昃通。依說文。昃當作廂。

豐上六曰。闔其戶。闔其無人。棟案說文無闔字。今新附有此字。後人妄增也。惟昃部云。闔。低目視也。从昃。

門聲。弘農湖縣有闕鄉。漢書戾太子傳云：湖闕鄉。孟康曰：闕古闕字。从門中旻。建安中正作聞。旻音許。密反。闕從旻。門聲。門與聞通。今俗猶作聞音也。闕當作闕。與闕義合。張有復古編云：旻俗別作闕靜也。从門旻。非古義。當只用旻字。

上六象曰：豐其屋，天際翔也。翔，鄭玄、王肅、虞翻皆作祥。孟喜曰：天降下惡祥也。

中孚九二：吾與爾靡之。虞翻曰：靡，共也。孟喜、韓嬰皆訓靡爲共。

既濟九三：高宗伐鬼方，汲郡古文云：武丁三十二年伐鬼方，次于荆，三十四年王師克鬼方，氏羌來賓。故商頌殷武云：撻彼殷武，奮伐荆楚，梁入其阻，哀荆之旅，竊疑周之荆楚。商時謂之鬼方，古文所謂次于荆者，蓋鬼方之地也。世本云：陸終娶於鬼方氏之妹，謂之女潰，是生六子，其六曰季連，是爲□姓。季連者，楚是荆楚，故屬鬼方。有冥隘方城之險，故詩言梁入其阻，易言三年克之，鬼方克而氏人貢。卽詩所云：有截其所也。丙子學易編引蒼頡篇云：鬼，遠也。又云：鬼方言其幽昧也，皆不以地實之。此臆說也。詩考補傳云：震用伐鬼方，震擊伯名，未知何據。愚謂震奮也。猶詩之奮伐，不得以其人實之。

繫辭上：八卦相盪。案說文：盪爲滌器。當从諸家作蕩。後漢惟蔡滿碑以盪爲蕩。从俗作也。釋名云：蕩盪也。排盪去穢垢也。則知盪非古字。

藏諸用。鄭本作臧。訓爲善非也。此與退藏於密。知以藏往。皆當作臧。讀爲藏。說文無藏字。新附有之非也。漢書皆以臧爲藏。

聖人有以見天下之賾。九家作冊。京房許慎皆作噴。棟案經賾字皆當作噴。後漢范式碑云探噴研機。揚子太玄經云陰陽所以抽噴。噴情也。定四年左氏傳云噴有煩言。賈逵曰噴至也。正義云易繫辭云聖人有以見天下之賾。謂見其至深之處。噴亦深之義也。是古皆作噴。釋名曰冊賾也。是冊與賾通。

言天□□噴而不可惡也。苟爽本惡作亞云次也。棟案古□□作惡。尙書大傳曰王升舟入水鼓鐘。惡觀臺惡將舟惡宗廟惡。鄭康成注云惡讀爲亞。秦惠王詛楚文云告于丕羆大神亞駝。禮記禮器作惡駝。宋時有玉印曰周惡父印。劉原甫以爲卽條侯亞父。史記廬縮孫他之封惡谷侯。漢書作亞谷。苟氏以惡爲亞。故訓爲次。

聖人以此洗心。石經作先心。虞翻曰聖人謂庖羲以著神知來。故以先心。諸家如京房苟爽董遇張璠范長生等皆作先心。唯王肅及韓伯作洗心。非也。管子云聖人先知無形。尉繚子云黃帝曰先神先鬼先稽我智。皆先心之謂也。

備物致用立成器以爲天下利。案成器謂罔罟耒耜之屬。管子七法篇曰成器不課不用。苟悅漢紀引易云立象成器非也。

莫大乎蓍龜。釋文大作善云本亦作莫大。案何休注公羊漢書藝文志皆引作莫善。儀禮疏同。釋文是也。賈公彥云凡草之靈莫善於蓍。凡蟲之知莫善於龜。中山江水出焉。其中多良龜。郭璞云良善也。乾坤其易之緼邪。案緼者包裹之意。穀梁傳云地緼於晉。虞翻本作韁云易麗乾藏坤。故爲易之韁。

繫辭下。聖人之大寶曰位。孟喜本作大保。保古寶字。漢尙方鑑云。壽比金石之固。保。春秋莊六年。齊人來歸衛俘。左傳俘作寶。正義云。案說文。保从人采省聲。古文保不省。然則古字通用。寶或保字。與俘相似。故誤作俘。

服牛乘馬。說文引云。犮牛乘馬。从牛蒲聲。棟案犮與服古字通。春秋傳僖廿四年。王使伯服游孫伯。如鄭請滑。史記作伯犮。後漢書皇甫嵩傳。董卓謂嵩曰。義真犮未乎。義作服。趙世家云。武靈王云。今騎射之備。近可以便上黨之形。而遠可以報中山之怨。今戰國策云。騎射之服。然則史記。備當作犮也。特牲饋食禮云。備答拜焉。注云。古備爲復。說文云。紂。車紂也。或作犮。从革蒲聲。是古備字有服音。伏字有蒲音。不封不樹。虞仲翔曰。穿土稱封。封。古窆字也。聚土爲樹。家人云。以爵等爲邱。封之度。與其樹數。檀弓云。縣棺而封。康成曰。封當爲窆。窆。下棺也。鄭仲師周禮。遂人注云。窆。謂下棺時。禮記謂之封。春秋謂之塋。皆葬下棺也。聲相似。封音彼。驗反。說文曰。塋。葬下土也。从土朋聲。春秋傳曰。朝而塋。禮記謂之封。周官謂之窆。今讀易者。皆作府容切。失之。

易者象也。王伯厚曰。昔韓宣子適魯。見易象。是古人以卦爻統名之曰象。故曰。易者象也。其意深矣。

說封。參天兩地而倚數。鄭玄注周禮。引作奇。蜀才同。棟案倚本古奇字。荀子大儒篇云。倚物怪變。楊倞讀爲奇。漢書外戚傳。欲倚兩女。史記作奇。方言曰。倚。奇也。郭璞曰。奇。耦參兩成五。故云奇。居宜切。兩。說文引作兩。石經作兩。文王命厲鼎亦然。兩乃斤兩字。故漢定陶。上林。諸鼎。皆作兩。杜子春周禮大祝注云。

奇讀爲倚

妙萬物而爲言者也。妙，王肅本作眇。音妙。董遇曰：眇，成也。棟案：妙字近老莊語。後儒遂有真精妙合之說。當从王子雍本作眇。陸士衡文賦云：眇象慮而爲言。蓋用說卦不作妙字。此其證也。義雲章妙字作妙。見汗簡。說文云：妙，急戾也。从彡省，少聲。

震爲龍。虞翻本作駘。駘，蒼色。震東方，故爲駘。舊讀作龍。上已爲龍，非。棟案：周禮：犬人職云：凡幾珥沈辜，用駘可也。注云：故書駘作龍。鄭司農云：龍讀爲駘。周禮皆以龍爲駘。是古駘字皆作龍。讀爲駘。

爲專。虞本作專。云：陽在初隱，靜未出，觸坤故專。則乾靜也。專，延叔堅說，以專爲專大布，非也。案：專，王肅音孚。于寶云：花之通名。鋪爲花兒，謂之敷。棟謂：專當作專。專，古布字。見說文。延篤說是也。張有復古編云：專，布也。从寸，甫，別作專，非。芳無切。棟案：秦銘動鐘，專字作專。是秦以來始从方也。裴松之云：古敷字與專相似。寫書者多不能別。古敷字亦作敷。从寸，不从方。汗簡云：古文敷作專。故或作專。易經古文，十不存一。閒有存者。又經傳寫謬誤。訓詁家不能博攷遺文，隨事釋義，致使三代遺文，訾然莫攷。是可慨也。其於稼也爲反生。虞本作阪生。云：陵阪也。陸績云：阪當爲反。棟案：反古阪字。前漢地理志：蒲阪字作反。劉寬碑陰同此。當仍經文作反。讀爲阪。

巽爲寡髮。釋文云：寡又作宜。虞翻曰：爲白故宜髮。馬君以宜爲寡髮，非也。棟案：攷工曰：車人之事，半矩謂之宜。鄭康成曰：頭髮皓落曰宜。巽爲宜髮。鄭易注云：宜髮取四月靡草死，髮在人體，猶靡草在地。

離爲乾卦。鄭氏云：乾當爲幹。陽在外能幹正也。董遇本作幹。棟案：列子云：木葉幹殼。張湛云：幹音乾。是乾與幹同音。故或作幹。

序卦云：物不可窮也。故受之以未濟終焉。鄭玄注：乾鑿度曰：夫物不可窮，理不可極。故王者亦常則天而行。與時消息，不可安而忘危，存而忘亡。未濟者，亦無窮極之謂者也。

雜卦云：大畜時也。无妄災也。萃聚而升不來也。謙輕而豫怠也。息。京房作治。虞翻作貽。治與貽皆與時來協韻。小顏匡謬正俗曰：張平子東京賦云：堅冰作於履霜，尋木起於蘗栽。昧且不顯，後世猶怠。況初製於甚泰，服者焉能改裁。李善以裁爲去聲，協韻。漢帝柏梁詩云：日月星辰和四時。梁王云：驂駕四馬從梁來。自斯已下，同用一韻。而執金吾云：微道宮中禁惰怠。又曹翔作後漢敬隱后頌，述宋氏之先云：實先契而佐唐，湯受命而創基。二宗儼以久饗，盤庚儉而弗怠。是則怠懈之字，通有苔音矣。

大有衆也。荀爽本衆作終。案士相見之禮曰：凡與大人言，始視面，中視抱，卒視面，毋改。衆皆若是。注云：衆謂諸卿大夫。同在此者。今文衆爲終。史記五帝紀曰：怙終賊刑。徐廣曰：終一作衆。是衆有終音。故或作終也。

惠棟曰：自唐人爲五經正義，傳易者止王弼一家，不特篇次紊亂，又多俗字。如晉當爲響，巽當爲輿。從說文，拓當爲遼。從古文，乾確乎其不可拔。繫辭確然示人易，皆當作窞。從說文，或作礪。見鄭烈碑。周伯琦曰：窞，胡沃切。鶴字从此。俗用爲鶴字，非。坤初六象陰始凝也，凝乃俗冰字。古冰字作夂。見說文。屯初九

磐桓。漸六二鴻漸于磐。皆當作般。與盤同。六二乘馬班如。當作般。从鄭本。左傳班馬之聲。役將班矣。古皆作般。古文班。匪寇婚媾。當作昏媾。从鄭本。上六泣血漣如。漣本瀾別字。當作漣。或省文作連。師九二象承天寵也。當作寵。从王肅。古文寵。毛詩箋蕭云。爲龍爲光。左傳作寵。商頌何天之龍。鄭箋云。龍當作寵。與邦協韻。邦讀爲丰。比初六終來有他吉。當作它。釋文宋本皆然。九五王用三驅。當作毆。古文驅。履上九視履考祥。本作詳。見釋文。古祥字。古文祥作詳。又見蔡邕尚書石經。泰初九以其彙。古文作苜。釋文。九二包荒。本作荒。說文同。六四翩翩。古文作偏偏。王弼本作篇篇。今本與子夏傳同。否九四疇離祉。當作禱。从鄭本。古文疇。見說文。豫六二介于石。古文作矢。釋文晉孔坦書云。碩石之易悟。九四朋盍簪。古文作貳。或作戠。虞翻本。隨象君子以嚮晦。當作鄉。从王肅。古嚮字。說卦嚮明而治同。左傳皆以鄉爲嚮。无妄彖。天命不祐。當作右。从馬融。繫辭可與祐神同。右祐字。大畜六四童牛之牯。當作告。从說文。九家。或作楷。从鄭本。坎六三險且枕。古文枕作沈。六四樽酒。當作尊。離九三日昃之離。當作廂。从說文。今作昃。亦譌。豐彖。日中則昃。同。睽六三其牛掣。當作掣。从說文。或作掣。从鄭氏。上九後說之弧。當作壺。諸家皆然。明夷六二用拯馬。當作拱。从子夏。說文。渙初六同。解象甲拆。當作甲宅。从馬鄭。陸。諸家。損二簋可用享。當作軌。从蜀才。據此則諸蓋字皆當作軌。古文簋。見儀禮注。損象懲忿窒欲。當作微。故懲字。史九三壯于頄。當作頄。从鄭氏。說文無頄字。姤象后以施命誥四方。當作告。从說文。京房。古文誥。見鄭氏禮記注。初六羸豕孚蹢躅。古文作蹢躅。音與商通。逐與蜀古今字。萃彖聚以正。當作取。古聚字。困六三。

據于蒺藜。當作藜。从唐石經。上六。龍旣。當作斃。机。斃。古文。斃。机。見薛虞本。豐初九。遇其配主。當作妃。从鄭虞。既濟六四。繻有衣袽。古文作襦。釋文。繫辭。八卦相盪。當作蕩。从諸家。藏諸用。退藏於密。知以藏往。皆當作賊。从鄭劉諸本。聖人有以見天下之賾。凡賾字皆當作噴。乾之策。當作筴。从釋文。下同。引而伸之。當作信。見釋文。又詩正義。亦引作信。士相見禮注云。古文伸作信。范甯穀梁解云。信申字。古今所共用。律歷志云。引者信也。古伸字。見章昭外傳注。聖人以此洗心。漢石經作先心。諸家皆同。唯韓伯作洗。非。乾坤其易之緼邪。當作緼。从虞翻。象也者像也。像當作象。从諸家。以佃以漁。佃當作田。从虞翻。漁當作魚。見釋文。何休公羊傳亦云。田魚。讀如論語之語。斲未爲耜。當作相。从說文。天地網緼。當作壹壹。从說文。朱龜碑作壹緼。或作氣氣。亦俗字。張有復古編云。壹从壺吉。於悉切。壹从壺凶。於云切。吉凶在壺中。不得深也。別作氣氣。又作網緼。並非。因貳以濟民行。當作式。从鄭義。貳本訓貳字。古文二。見說文。爲道也。屢遷。當作婁。說文無屢字。漢書皆以婁爲屢。噫亦要存亡吉凶。當作意。毛萇曰。意。歎也。兼三才。當作材。石經又宋本。下同。說卦。參天兩地。當作剛。从說文。兩本斤兩字。妙萬物而爲言。當作眇。从王肅。董遇。震爲夷。當作專。从延。爲的類。當作酌。从說文。又作酌。巽爲寡髮。寡當作宜。離爲乾卦。乾當作幹。从鄭氏。董遇。作幹。列子云。木葉幹殼。注云。幹音乾。釋文所載古文。皆薛虞。傅氏之說。必有據依。鄭康成傳。費直易。多得古字。說文云。其稱易孟氏。皆古文。虞仲翔五世傳孟氏易。故所采三家說爲多。諸家異同。動盈數百。然此七十餘字。皆卓然無疑。當改正者。

或問曰。子損易經字數十餘條。不幾近于僭乎。答曰。某安敢塗改聖經。但據漢魏以來數十家傳易字異者而折衷焉。思以還聖經之舊。存什一于千百耳。卽如數十字之外。如噬嗑明罰勅法。釋文云。勅俗字當作飭。史記五帝紀云。信飭百官。徐廣曰。古勅字。繫辭掘地爲目。掘當作闕。如此類者尙多。但漢易已亡。改之無據。是用闕疑。以俟來哲。某敢蹈僭妄之咎乎。因賦一詩云。漢元窮易已多門。魏晉諸儒又觸藩。若使當年傳漢易。王韓俗字久無存。用以祛守殘之陋。

易經古文僅存者。今人皆未之省。或有失讀者。如屯六二象以從禽也。從古縱字。蒙再三瀆。說文作黷。云握持垢也。崔愷曰。瀆古黷字。需象位乎天位。上位字。讀曰澁。從鄭義。穀梁傳曰。澁者位也。比九五。失前禽。失讀如馬牛風佚之佚。古佚字。皆作失。見尙書考。小畜有孚擊如擊。古擊字。中學九五同。今音力專反。泰象財成。古裁字。荀爽作裁。隨初九。官有渝。讀爲管。古館字。復六三。頻復厲。古響字。玉篇響字下云。易本作頻。上六有災。管籥文裁。明夷。文王以之。箕子以之。以讀爲似。從鄭氏。古似字作以。見詩考。夬九四。其行次且。讀爲越起。古文省。姤九二。包有魚。包讀爲庖。古文省。包籘字。从此。鄭氏周禮庖人注云。庖之言包也。是庖與包通。九五。以杞包瓜。與匏同。升六四。王用亨于岐山。亨讀爲享。困象割揜也。古掩字。艮九四。其形渥。形本古刑字。見揚震碑陰。渙九二。渙奔其杭。杭古文簋。宗廟器。賁卦之賁。讀爲奔。明夷象用晦而明。而讀曰如。從虞義。蹇六四。往蹇來連。連讀曰輦。從虞氏。損二簋可用亨。亨許庚反。從蜀才。繫辭以佃以漁。漁讀爲語。高誘說。不封不樹。封音彼。驗反。從虞氏。說卦參天兩地而倚數。倚本奇耦字。

震爲龍。讀曰駘。其于稼也爲反生。反讀曰阪。司馬溫公曰。凡觀書者。當先正其文。辨其音。然後可以求其義。可謂知言。

凡經字誤者。當仍其舊。作某字。讀若某。所以尊經也。漢時惟鄭康成。不輕改經文。後儒無及之者。如易大有九四象。明辨遷也。鄭注云。遷讀如明星。皙皙。繫辭言天下之至噴而不可惡也。言天下之至噴而不可亂也。鄭于下句注云。噴當爲動。勞而不伐。有功而不置。鄭云。置當爲德。晁氏曰。案德古文類器字。因相亂。聖人之所以極深而研機也。范式碑云。探噴研機。是古易皆作機。鄭云。機當爲幾。幾微也。今王弼本。直作鄭所訓字。失其本矣。後儒謂鄭氏好改字。吾未之敢信也。

孔穎達易正義。多衍字。譌字。及脫落字。如乾卦不成乎名。衍乎字。文言曰。坤至柔。定本無文言曰三字。屯象。君子以經綸。定本綸作論。蒙象曰。匪我求童蒙。童蒙來求我。脫來字。需初九象。利用恆无咎。定本无咎二字。衍泰九三象曰。無往不復。定本作无平不陂。謙上六。征邑國。衍邑字。剝六三。剝之无咎。衍之字。鼎象。聖人亨以享上帝。定本上帝二字。衍莫大乎蓍龜。定本作莫善。鮮不及矣。定本鮮作尪。上文君子之道鮮矣。鄭作尪。案汗簡。尪本古文鮮字。見顏黃門說文。剝木爲舟。剝木爲楫。剝當作擗。剝當作揆。說卦。水火相逮。定本水火不相逮。雜卦。豐多故也。衍也字。

唐時有蘇州司戶郭京。撰周易舉正三卷。家無是書。據洪氏隨筆。所載二十餘則。皆因王輔嗣。韓康伯之注。謬加增損。今以李氏所錄漢易攷之。乃知其妄。如云屯六二象曰。卽鹿无虞。何以從禽也。今本脫何

字。案從本古縱字。故鄭康成、黃穎皆音于用反。古縱字作縱。見隸釋。不容闌入何字。其妄一也。師六五。田有禽。利執之无咎。元本之字行書。向下引脚。稍類言字。轉寫相仍。故誤作言。觀注義亦全不作言字。釋案虞翻曰。田爲二陽稱禽。震爲言五失位。變之正艮爲執。故利執言无咎。荀爽曰。田獵也。謂二帥師禽五之利。度二之命。執行其言。故无咎。以言爲之。信注而不信經。其妄二也。比九五象曰。失前禽。舍逆取順也。今本誤倒其句。案虞翻曰。背上六。故舍逆。據三陰。故取順。不及初。故失前禽。二句各有取義。以失前禽爲舍逆。取順。其妄三也。賁亨。不利有攸往。今本不字。誤作小案。鄭康成曰。卦互體坎艮。艮止于上。坎險止于下。夾震在中。故不利。大行。小有所之。則可矣。虞翻曰。小謂五。五失正。動得位。體離以剛文柔。故小利有攸往。改小利爲不利。其妄四也。剛柔交錯。天文也。文明以止。人文也。注云。剛柔交錯而成文焉。天之文也。今本脫剛柔交錯一句。案此四字。是王氏釋天文也。一句之義。非經文也。虞翻注謂五利變之正。成巽體離。艮爲星。離日。坎月。巽爲高。五天位。離爲文明。日月星辰。高麗于上。故稱天之文。玩虞義。全無以剛柔交錯爲天文之意。其忘五也。蹇九三。往蹇來正。今本作來反。案虞翻曰。應正。歷險。故往蹇。反身據二。故來反。二在下。故云反。改反爲正。其妄六也。困初六象曰。入于幽谷。不明也。今本谷下多幽字。案荀爽曰。爲陰所掩。故不明。刪去幽字。其妄七也。鼎象。聖人亨以享上帝。以養聖賢。注云。聖人用之上。以享上帝。而下。以養聖賢。今本正文多而大亨三字。故注文亦誤增而大亨三字。案虞翻曰。大亨謂天地養萬物。聖人養賢。以及萬民。此正釋大亨之義。以爲誤增。其妄八也。豐九四象。遇其夷主。吉。

志行也。今文脫志字。案虞翻曰：動體明夷，震爲行，故曰吉行。若云志行，不容不注。其妄九也。小過六五象曰：密雲不雨，已止也。注：陽已止下，故也。今本正文作已上，故注亦誤。作陽已上，故止也。案虞翻曰：謂三坎水已之上，上六故已上也。鄭本作尙，尙與上通。上與長亢協，改爲止。其妄十也。雜卦：蒙稚而著，今本稚誤作雜。案虞翻曰：蒙二陽在陰位，故雜。初雜而交，故著。改雜爲稚，其妄十一也。京云：曾得王輔嗣、韓康伯手寫注，定傳授真本。今所舉正，皆謬悠荒唐。若此，不待閱全書而知其贋矣。中惟履霜陰始凝也。君子以居賢德善風俗。一見魏文帝紀注。一見王肅易前，人固已言之。又姤九四：包失魚，因王注：震彖，出可以守宗廟社稷，上添不喪七鬯四字。中字彖，豚魚信及也。小過彖：柔得中，是以可小事也。既濟亨，小小者亨也。皆望文爲義，亦無足取。繫辭二：多譽，四多懼。注云：懼近也。尤爲誕妄。京創爲是書，後儒晁昭德、鄭漁仲之輩，多有信而從之者，不可以不辨。

隨經籍志：有卜子夏周易傳二卷，殘缺。梁有六卷，七略云：漢興，韓嬰傳中經，籀錄云：丁寬所作。張璠云：或駢臂子弓所作。薛虞記：今所傳子夏易傳十一卷，以釋文及李氏集解校之，無一字相合者。案其文又淺近，或曰：唐人張弧僞作，非也。此書與郭氏易舉正皆宋人僞撰，托之子夏。郭京者，唐時漢易尙存。子夏書雖殘缺，李鼎祚猶及采之。宋以來經典散亡，無可攷證，故令二僞書傳於世，遺誤至今。有志於經學者，急須辭而闕之。

九經古義卷第三

尙書古義上

鄭康成書贊云。孔子撰書。乃尊而命之曰尙書。尙者上也。蓋言若天書然。尙書緯璿璣鈴云。因而謂之書。加尙以尊之。墨子明鬼篇云。尙書夏書。其次商周之書。則尙字爲孔子所加信矣。孔穎達爲僞孔氏作正義。詘鄭氏之說。以爲伏生傳書。始加尙字。其說非也。

堯典曰。若稽古帝堯。鄭康成曰。稽。同也。古。天也。言能順天而行。與之同功。孔安國曰。若。順稽攷也。能順攷古道而行之者。帝堯。此說本賈侍中。安國傳。晉人所撰。托諸孔氏者。高貴鄉公幸太學。命講尙書。帝問曰。鄭玄云。稽古同天。言堯同於天也。王肅云。堯順考古道而行之。二義不同。何者爲是。博士庾峻對曰。先儒所執。各有乖異。臣不足以定之。然洪範稱。三人占從二人之言。賈馬及肅。皆以爲順攷古道。以洪範言之。肅義爲長。帝曰。仲尼言。唯天爲大。唯堯則之。堯之大美。在乎則天。順攷古道。非其至也。今發篇開義。以明聖德。而舍其大。更稱其細。豈作者之意邪。桓譚新論曰。秦延君能說堯典篇目。兩字之說。至十餘萬言。俱說曰。若稽古三萬言。當時堯典發篇。聚訟若此。宜後世異說之紛紛矣。

欽明文思安安。尙書攷靈耀云。放勳欽明文思安安。鄭康成注云。寬容覆載謂之安。余正云。晏晏溫也和。

棟案春秋齊景公安孺子古今人表作晏孺子是安與晏通釋名云安晏也晏晏然和喜無動懼也

平章百姓史記作便章尙書大傳作辯章索隱云今文作辯章案下文平秩字伏生作便鄭玄作辯說文云采辨別也讀若辨古文作𠄎與平相似于部云古文平作𠄎孔氏襲古文誤以𠄎爲平訓爲平和失之辨與便同音故史記又作便汗簡云古文尙書平章字作𠄎玉篇同毛詩采菽云平平左右左傳作便蕃毛萇曰平平辯治也服虔亦云平平辯治不絕之兒平亦當从古文作平鄭注云辯別也亦與毛服義通

鳥獸葦尾史記作字微字與葦通微與尾通說文曰字者言葦乳而侵多戰國策有尾生高高誘以爲魯人卽論語之微生高也莊子或作尾或作微說文曰尾微也汗簡云古文尙書字作葦是葦爲古文字也釋文云葦音字案字本有葦音士冠禮字辭云昭告爾字讀爲滋與宜之協釋名曰尾微也承脊之末稍微殺也古今人表有尾生高尾生晦師古曰卽微生高微生畝也

平秩南訛史記作南譌司馬貞本又作爲云爲依字讀春言東作夏言南爲皆是耕作營爲勸農之事孔氏強讀爲訛字雖則訓化解釋亦甚紆回也棟案譌與訛古字本通毛詩無莘曰或寢或訛韓詩作譌說文引詩云民之譌言今正月詩作訛無莘傳云訛動也薛夫子云譌覺也正月箋又訓訛爲僞僞亦與訛通故王莽傳又作南僞古文尙書作僞索隱作爲者古僞字皆省文作爲見古文春秋左氏傳但此經訛字常與僞別淮南天文曰歲大旱禾不爲高誘曰爲成也禾不成於夏故云南爲此與東作西成

皆言農事。索隱本是也。

宅西曰昧谷。今文尙書云。度西曰柳穀。臣瓚漢書注云。案古文宅度同。伏生書傳云。秋祀柳穀。穀與谷通。

莊子云。咸與穀二人相與牧羊。崔譔本穀作谷。鄭康成云。柳聚也。齊人語。賈公彥曰。柳者諸色所聚。日將沒。其色赤。兼有餘色。故云柳穀。今鄭注尙書。从古文。作昧谷。故虞仲翔奏鄭解尙書違失事目言。古大篆卯字讀當爲柳。古柳卯同字。而以爲昧。棟案史記亦作柳谷。此古文也。鄭康成依賈逵所奏。定爲昧谷。故虞氏駁之。管子幼官篇言春三卯同事。秋三卯同事。說文曰。卯冒也。二月萬物冒地而出。象開門之形。故二月爲天門。古文西从卯。卯爲春門。萬物已出。卯爲秋門。萬物已入。一閉門象也。故春言三卯。秋言三卯。柳卯同字。日出于暘谷。入于柳谷。西者隴西縣之八充山。一曰兌山。秋門之象。故命居之。

鳥獸毼毛。說文引云。鳥獸毼髦。云毼毛盛也。古文正作毼。張有復古編云。毼从毛隹。書曰。鳥獸毼毛。別作毼。非。汗簡引尙書。又作毼。案毼與毼相似。說文或从此。髦古毛字。既夕記云。馬不齊髦。鄭注云。今文髦爲毛。古文尙書。毛皆作髦。

共工方鳩僇功。說文引虞書曰。旁速。又作教僇。又作屏功。云速。斂聚也。與孔傳同。疑古文鳩字作速耳。許慎馬融皆云。僇。具也。孔氏訓爲見。史記又訓爲布。案僇。徐邈音撰。許馬說是。孔訓非也。尙書中如方鳩僇功。方施象刑。方告無辜。漢儒皆引作旁。見白虎通論衡等書。而方命之字。仍作方。讀爲放。孔傳于方。

鳩方割皆訓爲方。方是讀如字。棟謂方當依字讀爲旁。鄭注士喪禮云。今文旁爲方。是旁爲古文方也。薛宣古文方字皆作匚。立政云。方行天下。亦讀爲旁。傳云。方四方非也。

靜言庸違。楚辭天問曰。康回馮怒。地何故以東南傾。王逸曰。康回。共工名也。案鄭注尙書。以爲共工名氏未聞。先祖居此官。故以官爲氏。然則楚辭所謂康回者。卽書所云。靜言庸違也。圖書作請言。王逸引書云。淺淺請言。公羊亦云。淺淺莫諍。這違與回通。詩大雅云。厥德不回。毛傳云。回。違也。春秋傳。晏子云。君無違德。下云。若德回亂。明違與回同。回邪辟也。論衡引作回德。回邪辟也。故史記云。共工善言其用僻。是訓諱爲辟。與回同也。古庸字或作康。故楚辭言康回。秦詛楚文云。今楚王熊相康回無道。董適釋康爲庸是也。或云。康讀爲亢龍之亢。謂亢極邪辟也。

否德忝帝位。史記作鄙德。棟案。鄙與否古通用。論語曰。予所否者。天厭之。論衡引作鄙。訓爲鄙陋之鄙。釋名云。鄙。否也。小邑不能遠通。與論衡合。故陸氏釋文。又音鄙。益稷云。否則威之。徐邈音鄙。是否有鄙音。正義曰。否古文不字。

序虞舜側微。玉篇人部引作微。云微賤也。案古文微字皆作𠄎。見嬭氏鼎。及斃樂鼎。說文亦然。惟石鼓文作微。

賓于四門。鄭康成云。賓讀爲僎。舜爲上僎。以迎諸侯。案賓爲古文僎。見儀禮鄉飲酒禮注。穆天子傳云。祭公賓喪。注僎贊禮儀。又云。內史賓侯。注僎相。史記蘇秦傳。必長賓之義。作僎。孔安國以爲四方諸侯來。

朝者舜賓迎之讀爲賓客之賓非也。吳氏書說云賓賓出口謂測其出之景而導之賓錢納日謂測其入之景而候之徐邈讀賓爲價是也。古文價通作賓孔氏以賓爲導亦讀爲價近世乃爲賓客之說非也。

舜讓于德弗嗣徐廣曰今文作不怡史記作不懌怡懌也李善文選注引書云舜讓于德不台台猶怡也漢書音義云古文台作嗣案嗣與怡音義絕異毛詩子衿曰子寧不嗣音韓詩作詒音古怡詒字皆省作台古嗣字皆省作司高宗彤日王司敬民史記作王嗣敬民呂大臨考古圖載襄姜鼎云余惟司朕先姑集古錄劉原父皆釋司爲嗣是司爲古文嗣或古司台字相似因亂之也台本音怡故史記自序云唐虞遜位虞舜不台

在璿璣玉衡案京房易略例及周公禮殿記孟郁脩堯廟碑皆作旋機孟郁碑作旋與旋同伏生書傳曰旋機者作也傳曰旋者還也機者幾也織也其變幾微而所動者大謂之旋機是故旋機謂之北極其說與京房及漢碑字合

徧于羣神史記徧作辯漢樊毅脩西嶽廟記云辯于羣神儀禮鄉飲酒禮云衆賓辯鄭康成云今文辯皆作徧是辯爲古文徧爲今文也荀子脩身篇云徧善之度注云徧讀爲辨韓詩外傳曰君子有辨善之度

輯五瑞史記作揖魏脩孔子廟碑亦云揖五瑞秦本紀曰擗心揖志義作輯漢碑皆以揖爲輯馬融曰揖

斂也。與孔訓同而字異。古揖字有作輯者。晉語曰：君輯大夫就車。舊訓輯爲揖。漢書兒寬傳：寬對曰：陛下統攝羣元。臣瓚曰：揖當作輯。師古曰：輯揖與集三字並同。虞書曰：揖五瑞是也。其字从木。瓚曰：當爲輯。不通。是揖又作輯。

歲二月云云。何休公羊注引尚書曰：歲二月東巡守。至于岱宗。柴望秩于山川。遂覲東后。史記亦作遂協。時月正日同律度量衡脩五禮五玉三帛二生一死贊如五器卒乃復。五月南巡守至于南嶽如岱禮。八月西巡守至于西嶽如初。十有一月朔北巡守至于北嶽如西禮。還至嵩如初禮。歸假于禰祖。尚書作藝祖。馬王云禰也。用特。今古文尚書無還至嵩如初禮六字。姚方輿本云：至于北嶽如西禮。馬融本作如初禮。明上下有脫文。今文尚書不可攷。然何邵公所引不爲無據也。史記封禪書：于岱宗之下。又云：中嶽嵩高也。

協時月白虎通引作叶。周禮大史讀禮書而協事。後鄭云：故書協作叶。杜子春云：叶當爲協。書亦或爲協。或爲汁。又大行人協辭命。故書作叶。先鄭云：叶當爲汁。方言曰：協汁也。黑帝汁光紀。或作叶。後漢帝堯碑：以叶爲汁。漢書載洪範曰：叶用五紀。伏生書傳引書云：不叶于極。不麗于咎。說文曰：叶古文協。从日。十。或作叶。从口。

黎民阻飢。徐廣曰：今文尚書作祖飢。祖始也。史記作始。漢書作祖。孟康曰：黎民始飢。命弃爲稷官。古文言阻。棟案古文祖字皆作且。如祖乙。卣。盟。和。鐘。文王命厲鼎。師。鬲。敦。皆以且爲祖。故曾子曰：祖者且也。古

文作阻者。案儀禮大射儀云。且左還。鄭玄云。古文且作阻。是古文又以阻爲且。衛宏撰古文異字。其以此乎。王肅曰。阻難也。馬融曰。祖始也。二說並通。今文近之。鄭玄曰。阻讀曰阻。阻厄也。鄭尙書卽馬融本。當云祖讀爲阻。傳寫之誤也。

教胄子。說文引虞書云。教育子云。養子使作善也。余疋曰。育長也。與孔馬同。周禮大司樂云。凡有道者。有德者。使教焉。鄭注云。若舜命夔典樂。教育子。今周禮注。仍作胄非也。見釋文。是鄭本尙書與說文同。馬融書傳云。胄長也。育亦訓長。見余疋字異義同。鄭注尙書。从馬本。知馬本亦當作育。周書王子晉曰。人生而重丈夫。謂之胄子。胄子成人。能治上官。謂之士。然則胄子猶國子與。

分北三苗。北讀爲別。古文北字从二人。別字重八八。派北。典別字相似。因誤作北。說文於八部曰。典別也。孝經說曰。上下有別。又艸部曰。典古文別。許君學于賈逵。逵傳古文尙書。必得其實。虞翻曰。鄭注尙書。分北三苗。北古別字。又訓北。言北猶別也。若此之類。誠可怪也。棟謂北字似別。非古別字。又北與別異。不得言北猶別也。虞鄭皆失之。苗本一也。分別流之。故有三苗。猶三危本一也。分三苗分三危之地亦因分別而名。蓋依三居之法。離絕之使不得通也。

大禹謨。惟影響。依字當作景嚮。劉向奏云。神明之應。應若景嚮是也。鄒季友曰。影古文作景。葛洪始加三。此天寶三載。衛包改古文。从今文時所易也。棟案高誘淮南子注曰。景古影字。誘漢末人。當時已有作景旁三者。非始于葛洪。字苑景旁从三。已見顏氏家訓。亦非衛包所改。

皋陶謨暨稷播奏庶艱食。釋文云艱馬本作根云。根生之食謂百穀。棟案釋名云艱根也。如物根也。則是書本作艱。訓爲根。馬說是古艱字作艱。古艱讀爲根。見唐扶頌。

擾而穀。徐廣曰擾一作柔。字本作擾。从牛憂聲。玉篇云擾馴也。尙書擾而穀如此。春秋傳云乃擾畜龍。應劭音柔。說文云擾牛柔謹也。从牛憂聲。又云瓊玉也。从玉憂聲。讀若柔。管子地員云其木宜擾桑。擾桑柔桑也。字書皆音而小反。非也。徐邈音儵亦誤。

予弗子。釋文云子如字。鄭氏音將吏反。案樂記云易直子諒。注云子讀如不子之子。徐邈音子爲將吏反。蓋從鄭讀。列子說符篇云禹纂業事讎。唯荒土功。子產弗字。過門不入云云。列子之說蓋本尙書。讀子爲字。此在未焚書之前。必得其實。鄭氏之音非無據矣。

禹貢滎波。既豬。傳云滎澤波水已成。過豬馬。鄭本皆云滎播既都。鄭云沈水溢出河爲澤。衛狄戰在此地。今塞爲平地。滎陽民猶謂其處爲滎播。棟案滎波當是二水名。周書職方云豫州其川滎雒。其浸波澗。孔氏以爲滎澤波水非也。鄭於周禮注。依尙書讀波爲播。以滎播卽滎澤。合爲一亦非。

和夷底績。鄭康成云和讀爲桓。地志曰桓水出蜀郡蜀山西南行羌中。見史記及水經注。案漢書酷吏傳云桓東少年場。如淳曰陳留之俗言桓聲如和。故桓表或謂之和表。東京賦云敍和樹表。雙植謂之桓。桓表是也。四植謂之桓。桓楹是也。

蟠冢導漾。史記及鄭本皆作瀆。說文曰漾古文作瀆。地理志曰隴西氐道縣禹貢瀆水所出。皆从古文孔。

氏作漾非也。

二百里男邦。史記云：任國。漢諱邦，改爲國。棟案：白虎通引書云：侯甸任衛作國伯。今酒誥作男。古男與南通。皆訓爲任。故詩云：燕燕于飛，下上其音。之子于歸，遠送于南。又云：凱風自南，吹彼棘心。沈重音南爲乃林反。外傳周語曰：鄭伯南也。先鄭司農注云：南謂子男。左傳昭十三年傳：子產云：鄭伯男也。賈侍中云：男當作南。謂南面之君。王肅家語亦載子產語云：男南古字通用。鄭衆从左傳改南爲男。賈逵據外傳，易男爲南，可以知二字之相通矣。白虎通又云：南之爲言任也。故孔安國傳亦云：男任也。今文尙書皆以任爲南。太史公以訓詁易經文，故亦爲任。正義云：男聲近任，故訓爲任。

二百里蔡。地理志曰：二百里蔡。刊誤曰：蔡讀如蔡。蔡叔之蔡。吳仁傑從之，以爲當作蔡。

序。作帝告。史記告作誥。司馬貞曰：一作借。從先王居，故作帝借。棟案：告古文誥。見禮記注。尙書大傳殷傳有帝告篇。引書曰：施章乃服明上下。此逸書之猶存者。索隱據孔氏傳，以爲帝借別無所見。

序。湯既黜夏命，復歸于亳。作湯誥。論語云：予小子履，敢用玄牡，敢昭告于皇皇后帝。孔安國注云：此伐桀告天之文。墨子引湯誓，其辭若此。湯誓，依墨子當云：湯視疏云：尙書湯誓無此文，而湯誥有之。又與此小異。棟案：墨子兼愛篇云：湯曰：惟予小子履，敢用玄牡，告於上天。后曰：今天大旱，卽當朕身，履未知得罪於上下。有善不敢蔽，有罪不敢赦。簡在帝心，萬方有罪，卽當朕身，朕身有罪，無及萬方。卽此言湯貴爲天子，富有天下，然且不憚以身爲犧牲，以祠祝於上帝鬼神。呂氏春秋九月紀云：昔者湯克夏而正。

天下。天下旱五年不收。湯乃以身禱於桑林。曰：余一人有罪，無及萬夫。萬夫有罪，在余一人。無以一人之不敏，使上帝鬼神傷民之命。於是翦其髮，斷其手，以身爲犧牲，用祈福於上帝。民乃甚說。雨乃大至。尸子云：湯之救旱也，素車白馬，布衣身，嬰白茅，以身爲牲。當此時也，弦歌鼓舞者禁之。韓嬰詩傳亦言：湯時大旱，禱於山川，以六事自責。汲郡古文云：成湯二十年大旱，禁弦歌舞。二十四年大旱，王禱于桑林。雨墨子呂氏皆見百篇尙書。故所載與論語同。今湯誥篇絕無大旱請禱之事。孔安國親傳古文，其注論語不近，致尙書而遠，引墨子竊所未喻。

咸有一德。七世之廟，可以觀德。呂覽引商書曰：五世之廟，可以觀怪。怪字傳寫之誤。禮緯稽命徵曰：唐虞

五廟。親廟四。始祖廟一。夏四廟。至子孫五。殷五廟。至子孫六。注云：契爲始祖，湯爲受命王，各立其廟與

親廟四。故六。孝經緯鈞命決曰：唐堯五廟。親廟四。與始祖五。禹四廟。至子孫五。殷五廟。至子孫六。周六

廟。至子孫七。後魏書禮志云：禮緯云：夏四廟。至子孫五。殷五廟。至子孫六。周六廟。至子孫七。注云：言至

子孫，則初時未備也。緯書雖不可盡據，亦以見夏商無七廟之文。漢書韋元成傳：匡衡告謝毀廟曰：往

者大臣以爲，在昔帝王承祖宗之休典，取象於天地，天序五行，人親五屬，天子奉天，故率其意而尊其

制，是以禘嘗之序，靡有過五。受命之君，躬接于天，萬世不墮，繼烈以下，五廟而遷。上陳太祖，開歲而禘，

自唐以下，皆當以五爲則。呂氏在焚書之前，必得其實。毛詩豳風曰：七月鳴鴈，王肅傳云：七當爲五。古

五字如七，因訛爲之。此經七字，亦當作五。

盤庚若顛木之有由蘖。由說文引作粵。云木生條也。古史言由栝。徐鍇曰。說文無由字。今尙書只作由栝。蓋古文省弓。而後人因省之。通用爲因由等字。从弓象枝條華函之形。徐鉉曰。案孔安國注尙書。直訓由作用也。用栝之語不通。棟案經傳由字皆訓爲生。毛詩序云。由儀萬物之生。各得其宜。是由訓爲生。儀訓爲宜。春秋傳曰。吉凶由人。言吉凶生乎人也。孔氏書傳。晉人僞撰。故从俗讀。

子迓續乃命于天。小顏匡繆正俗云。商書般庚云。子御續乃命於天。詩鵲巢云。百兩御之。訓解皆爲迎。棟案此經與牧誓弗迓克奔。皆當作御。趙宋以來儒者。見孔氏訓御爲迎。遂改作迓。或書包所改蔡氏撰書傳。亦仍其謬。嗚呼。古學之亡久矣。吾誰與正之。列子云。鄭氏遇駭鹿。御而擊之。注御音訝。迎也。

爾謂朕曷震動萬民以遷。蔡邕石經曰。今爾惠朕昌。祇動萬民以遷。棟案震與振同。虞書震驚朕師。史記作振。又祇振每通用。皋陶謨云。日嚴祇敬六德。無逸云。治民祇懼。史記皆作振。內則云。祇見孺子。鄭玄云。祇敬也。或作振。

說命釋文云。說本又作兌。禮記皆引作兌。鄭氏云。兌當爲說。案周易以兌爲說。呂覽四月紀曰。凡說者兌之也。是兌與說通。

西伯戡黎。釋文云。伯亦作柏。郭璞穆天子傳注云。古伯字多从木。戡黎尙書大傳作殽者。說文作殽黎。云殽殺也。漢書載左氏傳。涪州鳩曰。王心弗殽。孟康曰。古堪字。今左傳作堪。釋詁云。堪勝也。郭璞注引書云。西伯堪黎。是堪與殽同。孔氏傳云。戡亦勝也。案說文。戡訓刺。非勝也。當从書傳作殽。

微子天毒降災荒殷邦。史記曰：天篤下菑亡殷國。漢平輿令薛君碑：又以竺爲篤。古毒、篤、竺、三字皆通。我舊云：刻子，王子弗出，論衡引微子曰：我舊云：孩子，王子不出言，紂爲孩子之時，微子睹其不善之性，性惡不出衆庶，長大爲亂不變，故云也。後世性惡之說本此。焦氏易林曰：嬰兒孩子，未有知識，彼童而角，亂我政事。說文曰：咳，小兒笑也。古文作孩从子。

我不願行。釋文云：願音故。儉仙民音鼓。毛居正曰：案願字，禮部韻無上聲音，當從一音用。棟案商詩：章願既伐。古今人表作韋鼓。是願有鼓音。緇衣云：君子寡言而行，以成其信。鄭注云：寡當爲願聲之誤。是願有上聲。禮部韻宋人所撰，焉識古音。毛氏據以駁徐邈，未之得也。

九經古義卷第四

尙書古義下

秦誓晁氏曰。儒言尙書。秦誓作大。開元閒學士衛包。受詔成今文尙書。乃始作秦。或以交秦爲說。真燕書哉。棟案。顧彪古文尙書義疏云。秦者大之極也。猶如天子諸侯之子曰大子。天子之卿曰大宰。此會中之大。故稱秦誓。彪字仲文。隋煬帝時爲祕書學士。當時已改爲秦。非始於衛包。繁陽令楊君碑。大夫人字。始作秦。知大與秦異文。始於後漢。

雖有周親。不如仁人。王伯厚曰。孔安國論語注。言有管蔡爲周親。不如箕子微子之仁人。與注尙書異。書傳云。紂至親雖多。不如周家之多仁人。朱文公集注。從書傳。棟案。書傳本云。少仁人。故疏云。多惡。不如少善。上云。受有億兆夷人。是言至親之多。子有亂十人。今本亂下有臣字。非。王伯厚已辨之。是言仁人之少。故論語引之。以爲才難。

牧誓。乃惟四方之多罪逋逃。是崇是長。是信是使。谷永引書云。四方之逋逃多罪。是崇是長。是信是使。小顏以爲今文秦誓之辭。非也。宗尊也。故傳訓爲尊。春秋傳云。師叔楚之崇也。崇亦訓尊。

弗迓克奔。以役西土。匡謬正俗。曰。牧誓篇云。弗御克奔。以役西土。孔安國注云。商衆能奔來降者。不迎擊。

之徐仙民音御爲五所反。案御既訓迎，當音五駕反，不得音御。案此則孔氏尙書本作御，訓爲迎也。史記及馬融本皆作禦。王肅又讀御爲禦，非也。古禦字作御。古文春秋傳皆然。毛詩谷風曰：亦以御冬。毛傳云：御，禦也。御又與迓同。大雅思齊曰：以御于家邦。傳曰：御，迎也。鄭氏于鵲巢箋亦訓御爲迎。曲禮曰：大夫士必自御之。注云：御當爲訝，訝，迎也。士昏禮注同。春秋傳曰：跛者御跛者，眇者御眇者，皆訝也。世人亂之，但御雖爲迓，訓話家當依本字釋之，無直改經文之理。唐石經亦仍其誤，則知古文之亡久矣。毛傳訓御爲迎，蓋本余疋，今釋話仍作迓者，俗儒所竄易也。

武成惟一月壬辰，旁死魄。張霸僞武成云：惟一月壬辰，旁死霸。說文曰：霸，月始生霸然也。承大月二日，承小月三日。从月，靈聲。周書曰：哉生霸。普伯切。棟案古鐘鼎文，魄字皆作霸，或省作雨。公誠鼎云：惟十有四月，既死霸。與說文合。周伯琦六書正譌云：霸，今俗作必，駕切。以爲霸王字，而月霸乃用魄字，非本義。王霸字本作伯。月魄字作霸，其義始正。靈音膊。雨，濡革也。从雨，从革。今薛宣古文，魄作𠄎，𠄎古戟字。未詳。

至于大王肇基王迹，王季其勤王家。傳云：大王修德，以翦齊商人，始王業之肇迹。王季績統其業，乃勤立王家。棟案孔說非也。迹，古績字。言不窋，失官社稷不守。至於大王，光復祖宗，始立勳績于王家。王季以八命作牧，勤勞王家之事。文王能繼成其勳。周禮王功曰勳。大膺帝命，作西伯，以撫六州之衆也。洪範無偏陂，遵王之義。蔡邕石經及尙書舊本皆作頗。唐玄宗詔曰：每讀尙書洪範，至無偏無頗，遵王

之誼。三復斯文，並皆協韻。唯頗一字，實則不倫。又周易泰卦中，無平不陂。釋文陂字亦有頗音。陂之與頗，訓詁無別。爲陂則文亦會意。爲頗則聲不成文。兼訪諸儒，僉以爲然。終非獨斷。宜改頗爲陂。乃宣示國學。棟案此詔。及匡謬正俗。遵王之義。義皆作誼。故玄宗謂與頗字不協。據周易改爲陂。楚辭曰：脩繩墨而不頗。王逸曰：頗傾也。易曰：無平不頗。楚辭與蓋協韻。是古易本作頗。故釋文又音破河反。改頗爲陂。失所據矣。說文言部云：陂古文以爲頗字。音彼義切。是頗有陂音。古文作陂。周禮典同云：陂聲散注云：陂讀爲險。陂之陂，是陂與陂同。正與誼字協。何不倫之有邪。古義字皆作誼。漢書猶然。鄭仲師周禮注云：古者書儀但爲義。今時所謂義爲誼是也。吳才老以此經義字音俄。謂與陂協。而不知本是誼字。顏師古又謂誼有宜音。皆好古之過也。史記呂覽亦作義。當是後人所改。

無有作好。遵王之道。無有作惡。遵王之路。呂覽引云：毋或作好。遵王之道。毋或作惡。遵王之路。高誘曰：或有也。古有字皆作或。尚書曰：殷其弗或亂。正四方。多士云：時乃或言爾攸居。傳皆云：或有也。鄭康成注論語亦云：或之言有也。韓非子曰：無或作利。从王之指。無或作惡。从王之路。文雖異。然皆以或爲有。韓子呂氏皆在未焚書之前。必有所據。王伯厚以爲述洪範而失之。未盡然也。說文引尚書曰：無有作紐。玉篇作野云：古文好字。案石鼓文好字从孩。好時鼎从好。篆文女字似丑。故或从左。或从女。文之異也。周伯琦六書正譌云：陂愛而不釋也。从女丑聲。別作好。乃呼皓切。

曰蒙。鄭王本皆作冪。在曰驛之下。史記亦然。微子世家又作霧與冪通。余疋曰：天氣下地不應曰冪。孔傳

曰蒙陰關與余正合徐邈云蒙音亡鉤反明字本作蒙轉寫誤爲蒙耳。設有復古編云蒙地氣發天不應。從雨致俗作霧蒙鄭本又作霧汗簡云古文尙書以霧爲蒙古文蟲作蠱從三虫今與虫同從三虫以爲古文蒙字非也當云古文作𧈧今文作蠱。

曰驛傳云氣落驛不連屬棟案驛古文作悌今文作團鄭氏齊詩箋云古文尙書以悌爲團孔穎達曰古文尙書卽今鄭注尙書也賈逵以今文校之定以爲團故鄭依賈氏所奏從定爲團史記作涕涕卽悌也古書篆字作立心與水相近讀者失之故誤從水見鄭氏易注太史公從孔安國問多得古文之說故作悌後人轉讀遂爲涕也說文曰團讀若驛今尙書作驛是又襲今文而失之司憚馬相如傳云昆蟲閤憚閤猶懼悌也亦發明之意。

凡七卜五占用二衍貳劉昌詩云乃命卜筮曰雨曰霽曰蒙曰驛曰克曰貞曰悔凡七卜五占用二衍貳讀者皆以占用二作一句史記宋世家載箕子之對謂卜五占之用二衍貳鄭玄注曰卜五占之用謂雨霽團蒙克也二衍貳謂貞悔也兆卜之名七龜用五易用二然則卜五占者用之衍貳則非占也尙書省去之字合以占用爲一句二衍貳爲一句則義理明矣。

五者來備王伯厚曰史記□五事來備後漢書荀爽傳云五趨咸備注趨是也李□傳云五氏來備棟案經文曰時五者來備時是也言是五者皆備至也孔氏以曰時二字屬上句與漢儒所受尙書異讀後人遂以五是爲傳習之譌非也是又作氏者覲禮曰大史是右注云古文是爲氏曲禮曰五官之長曰

伯是職方。注云：是或爲氏。漢書云：造父後有非子。至亥孫氏爲莊公。小顏曰：氏與是同。古通用字。古文引經，或从簡略。時五者來備，則云：五是來備。易坤之初六：履霜，堅冰。至象曰：履霜，堅冰，陰始凝也。三國志注引云：初六履霜，陰始凝也。後人遂以堅冰二字爲衍文，可謂無識。上經云：立時人爲卜筮。此云：時五者來備，皆訓爲是。

金縢是有丕子之責于天。鄭注尙書曰：不讀曰不。愛子孫曰子。史記作負子。索隱引鄭注云：不讀曰負，誤也。棟案白虎通曰：天子曰不豫，言不復豫政也。諸侯曰負子，子民也。言憂民不復子之也。公羊傳曰：屬負茲。禮記音義隱曰：天子曰不豫，諸侯曰不茲。大夫曰犬馬，士曰負薪。然則負子卽不茲也。負與丕音相近。負讀爲陪，萬貫陪尾。史記作負尾。子又與茲同。諸說不一。鄭氏爲長。益稷曰：予不子，故鄭讀从之。孔訓不爲大義所未安。

惟朕小子，其親逆。鄭注云：新迎，改先時之心，更自新以迎周公。鄭所傳古文尙書，乃馬季長本，訓親爲新。禮記在親民。程子曰：親當作新。蓋本先儒之說。熊氏朋來作經說，以爲漢儒擅改經字，加以音釋，惑人若大學親民。親作新，則非漢儒所及。待河南程子而後能言之。真夏蟲之見也。馬本亦作親迎。鄭于東山箋亦言成王既得金縢之書，親迎周公，而注仍訓爲新。蓋古親與新同也。

予造天役。王莽作大誥云：予遭天役。案史記甫刑云：兩遭具備。今尙書作造。文侯之命云：嗣造天丕。鄭孔傳亦訓爲遭。

序。周公既得命禾。旅天子之命。史記云。魯天子之命。孔穎達春秋正義云。石經古文。魯作表。說文曰。表。古
文。旅。古文以爲魯衛之魯。蓋古旅字。魯字皆作表。故旅字亦作魯。秦和鐘曰。以受毛魯多釐。董道曰。魯
古文。旅。秦時已誤魯爲旅。司馬襲秦舊文故也。

康誥。王曰。嗚呼。封。敬明。乃罰。人有小罪。非眚。王符潛夫論云。康誥云。王曰。於戲。封。敬明。乃罰。人有小罪。匪
省。

酒誥。盡執拘以歸于周。拘。說文引作柯。云。柯。撝也。从手。可聲。棟案。可。句。字。異。古文。未有通用者。說文解字
敘云。廷尉說律。至以字斷法。苛人受錢。苛之字。止句也。不合孔氏古文。然漢時。可句。亦有通用者。

梓材。戕敗人宥。王啓監厥亂爲民。今文尙書曰。彊人有王。開賢厥率化民。王充曰。言賢人壯彊於禮義。故
能開賢其率化民。棟案。古宥字。或作有。古有字。皆作又。王制曰。王三又。然後制刑。鄭注云。又當作宥。管
子書。又以有爲宥。開本啓字。避漢帝諱。故作開。以亂爲率。以爲爲化。古貨字作𠄎。訛字作𠄎。或从化。或
从爲。字本相通。古今文之異如此。正義云。鄭注古文篇。與夏侯等同。而經字多異。夏侯等書。宅。囑。夷。爲
宅。囑。鐵。口。谷。曰。柳。谷。心。腹。腎。腸。曰。憂。腎。陽。劇。則。顯。劇。云。厥。官。劇。割。頭。庶。剋。是。鄭。注。不。同。

無胥戕。無胥虐。至于敬寡。至于屬婦。合由以容。孔鮒云。妾婦之賤者。謂之屬婦。屬。逮也。逮婦之名。言其微
也。說文引云。至于嫫婦。嫫婦。姪身也。案廣韻。引崔子玉清河王誄云。惠於嫫婦。則嫫。非姪身也。

洛誥。無若火。始燄燄。梅福上書成帝曰。書曰。毋若火。始庸庸。勢陵於君。權隆于主。然後防之。亦無及矣。注

云。庸庸微小兒也。今洛誥作饑饑。傳云。火始然饑饑尙微。愚謂饑饑猶炎炎也。古饑字皆作炎。炎炎勢盛。不得謂始。然作庸庸者。是庸庸猶熒熒。大公六韜云。熒熒不救。炎炎奈何。亦此意也。

序。成周既成。遷殷頑民。史記作遺民。賈侍中亦以爲遷卹鄰之民於成周。皆古文尙書說也。陳亮曰。臧哀伯云。武王克商。遷九鼎於雒邑。義士猶或非之。義士卽多士。所謂遷殷頑民者。由周而言。則爲頑民。由商而論。則爲義士矣。周書作維曰。俘殷獻民。遷于九畢。孔晁云。賢民士大夫也。九畢成周之地。近王化也。

無逸。書大傳作毋逸。論衡同。史記作無佚。案漢石經。逸字皆作佚。漢書猶然。王伯厚曰。毋者禁止之辭。其義尤切。棟案儀禮士昏禮云。夙夜毋違命。注云。古文毋作無。史記從古文。故亦作無。毋與無。古今字。非有兩義。

乃或亮陰。三年不言。其惟不言。言乃雍。正義引鄭氏注云。其不言之時。時有所言。則羣臣皆和諧。坊記引此云。三年其惟不言。言乃謹。魯世家載無逸篇。與坊記同。裴駟載鄭氏注云。謹喜悅也。言乃喜悅。則民臣望其言久矣。棟案史記所載者。伏生所傳。今文尙書也。鄭氏之注。不與正義同者。常在書大傳中。後所注者。乃賈氏所傳古文尙書也。熊朋來經說云。坊記言乃謹之注。但知有說命之書。不知其爲無逸之文。妄稱爲謹說之謹。不知本文當爲雍。作釋文正義者。從而遂非傳說。尤爲可恨。熊氏不致尙書古今文之異。而妄下雌黃。亦可謂無忌憚矣。

自朝至于日中。吳不遑暇食。遑當依國語作皇。左傳皆以皇爲遑。靈臺碑云。日稷不夏稷。與吳同。詳易古義。依字當作廂。鄭本尙書多方云。天惟五年。須夏之子孫。注云。夏之言暇。是夏與暇通。詩正義尙書大傳。夏之言假也。古假借字。止作段。暇从日段聲。故暇亦作夏。

則皇自敬德。蔡邕石經。皇作兄。自作曰。上文無皇曰同。正義云。王肅本。皇作況。秦晉云。我皇多有之。公羊傳載。而況乎我多有之。亦以王爲況。蔡邕王肅所載。皆古文尙書也。況滋益用敬德也。兄本古況字。樊穀碑。況作兄。管子書。皆以兄爲況。漢書尹翁歸字子兄。注云。兄讀曰況。桑柔詩云。倉兄填兮。召曼云。羸兄斯引。傳皆云。兄滋也。釋文。兄音況。本亦作況。

君奭說文曰。奭召公名。讀若郝。史篇名醜。案奭與奭相似。說文云。醜。古文以爲醜字。皆从囗。故史篇以爲召公名醜。

惟人在我後。嗣子孫。大弗克恭。上下。遏佚前人光。漢書王莽傳引云。嗣事子孫。大不克共。上下。遏失前人光。棟案古佚字皆作失。外傳周語云。淫失其身。管子山國。軌曰未淫失也。秦詛楚文曰。淫失湛亂。董道訓失爲佚。古秋經曰。肆大眚。穀梁傳云。肆失也。失猶逸也。逸與佚同。謂逸囚也。公羊經。齊侯使國佐如師。傳云。佚獲也。釋文曰。佚一本作失。莊子書。皆以失爲佚。漢書地理志云。漢中淫失枝柱。與巴蜀同俗。杜欽傳書云。或四三年。言失欲之生害也。小顏云。失讀曰佚。主父偃傳云。齊王內有淫失之行。游俠傳云。遂行淫失。皆作佚也。

序成王東伐淮夷。遂踐奄。伏生書傳云。遂踐奄。踐之者。籍之也。籍之。謂殺其身。執其家。豬其官。史記踐作殘。周禮大司馬云。放弑其君。則殘之。逸禮王霸記云。殘滅其爲惡。

多方。乃惟爾辟。以爾多方。大淫圖天之命。屑有辭。案多士言桀大淫泆。有辭。釋文云。泆又作佻。注同。馬本作屑。云過也。棟謂屑當作屑。與佻相近。故誤作佻。說文云。屑動作切切也。蔡氏以爲瑣屑有辭。孔氏又訓屑爲盡。皆未當。屑。裴光遠集綴又作屑。見汗簡。

立政。灼見三有俊。石經作會。心灼。說文引作焯。云明也。从火卓聲。案覲禮。匹馬卓上。九馬隨之。鄭注云。卓讀如卓文君之卓。猶酌也。是卓有灼音。故云从火卓聲。汗簡云。古文尙書。灼作焯。

予且已受人之微言。蔡邕石經曰。且以前人之微言。論語撰攷識曰。子夏六十四人。共撰仲尼微言。漢書藝文志云。昔仲尼沒而微言絕。小顏曰。精微要妙之言。唐石經亦作微。孔傳以爲美言。

以覲文王之耿光。杜林說。耿光也。从光聖省聲。說文曰。凡字皆左形右聲。杜說非也。棟案蔡邕石經作鮮光。故許氏不從其說。外傳曰。其光耿于民矣。杜伯山傳。漆書古文。必得其實。作鮮光者非也。王逸楚辭

章句云。耿。明也。光也。

周官。以公滅私。說文云。厶。姦婬也。公平分也。从八从厶。八猶背也。韓非曰。蒼頡作字。自營爲厶。背厶爲公。君陳。汲郡古文云。成王十一年。王命周平公治東都。沈約案。周平公。卽君陳。周公之子。伯禽之弟。鄭康成注坊記云。君陳。蓋周公子。

序。康王既尸天子，遂誥諸侯。史記作告。鄭氏緇衣注云：告古文誥。

呂刑：苗民弗用靈制，以刑惟作五虐之刑。曰法。墨子引云：苗民不用練，折則刑，惟作五殺之刑。曰法。禮記緇衣引曰：苗民匪用命，制以刑，否古不字，否用練未詳，或傳寫之誤。折與制古字通。古文論語云：片言可以折獄。魯論折作制。虐與殺亦通。見春秋攷。

皇帝哀矜庶戮之不辜。王伯厚曰：皇帝始見于呂刑。趙岐注孟子引甫刑曰：帝清問下民。棟案孔傳云：君帝堯也。是孔氏本作君帝。

告爾祥刑。後漢書劉愷傳引作詳刑。鄭康成周禮注云：書曰：度作詳刑，以詰四方。又鄭書注云：詳，審察之也。則知古文本作詳。詳與祥古今字。易履上九曰：視履考祥。釋文云：本亦作詳。此經當依古文作詳。訓爲祥。下經監于茲祥刑同。尙書君奭云：其終出于不祥。蔡邕石經云：其道出于不詳。

惟貨惟來。釋文云：來馬本作求。云有求請賂也。漢律云：諸爲人請求於吏以枉法而事已行者，皆屬司寇。說文曰：賂，以財物枉法相謝也。从貝求聲。棟案漢盜律有受賂之條，卽經所云惟貨也。又有聽請之條，卽經所云惟求也。孔氏本作來，以爲舊相往來，義反紆回矣。

其罰百鍰。鍰，史記作率。徐廣曰：率卽鍰也。音刷。說文作鍰，云銜也。索隱曰：舊本率亦作選。漢書蕭望之傳：張敞曰：甫刑之罰，小過赦，薄罪贖，有金選之品。應劭曰：選音刷。金銖兩名。師古曰：字本作銖，銖卽鍰也。蓋古文作鍰，今文作選。五經異義云：夏侯歐陽說云：墨罰疑赦，其罰百率。古以六兩爲率。古尙書說百

鍤。鍤者率也。一率十一銖。二十五分銖之十三也。百鍤爲三斤。鄭氏以爲古之率多作鍤。周禮職金疏。考功記治氏云。重三銖。注鄭司農云。銖量名也。讀爲刷。元謂許叔重說文解字云。銖鍤也。今東萊稱。或以大半兩爲鈞。十鈞爲銀。銀重六兩。大半兩。鍤銖似同矣。則三銖爲一斤四兩。說文云。銖。十銖二十五分之十三也。周禮曰。重三銖。北方以二十兩爲銖。

上下比罪。棟案漢時有決事比。蓋取則于古。

費誓說文云。周書有柴誓。從米北聲。廣韻作柴。从米比聲。云魯東郊地名。此據孔氏本言之。則知古文本作柴。裴駟謂尙書作柴字之誤也。鄭氏注周禮雍氏禮記。曾子問皆引作柴誓。

序。東郊不開。唐石經初刻。開作闕。匡謬正俗又作闕。云古闕字。馬本亦作闕。釋文云。闕舊讀皆作開。小顏以爲孔氏釋云。東郊不開。不得徑讀闕爲開。案說文。虞書闕四門。作闕。从門从夨。此經闕字。亦當從說文作闕。唐石經作闕者。衛包改从今文也。宋以來直作開字。非也。

秦誓。日月逾邁。若弗云來。正義曰。員卽云也。是尙書本作員。衛包改古文。始从云。詩出其東門云。聊樂我員。釋文曰。員本作云。詩正月云。昏姻孔云。本又作員。商頌曰。景員維河。鄭箋云。員古文作云。言古文以員爲云也。

惟截截善謊言。說文引云。𦉳𦉳巧言。又言部引云。截截善謊言。公羊云。謊謊善諍言。賈逵國語注云。謊謊巧言也。王逸引書云。謊謊靖言。漢書李尋傳云。昔秦穆公說謊謊之言。任佗佗之勇。案此。則古文作截。

截。今文作彘彘也。

惟截截善。謊言。俾君子易辭。公羊云。惟譏謔善。諍言。俾君子易息。案說文籀文。辭从台。史記三王世家。齊王策云。俾君子息。與公羊合。此古文尙書也。

是能容之。禮記是作寔。棟案古寔字。皆作是。秦惠王詛楚文曰。昔我先君穆公。及楚成王是。戮力同心。兩邦若壹。王之望讀是爲寔。戰國策蘇厲曰。白起是攻用兵。高誘曰。是實也。公羊桓五年傳云。寔來者何。猶曰。是人來也。高氏以是爲實者。古春秋經實來。左傳作實來。今本左傳。仍作寔來。韓奕箋云。實。寔實。當作寔。趙魏之東。寔實同聲。高誘涿人。故亦以寔爲實。

惠棟案儒林傳云。孔氏有古文尙書。孔安國以今文讀之。因以起其家。逸書得十餘篇。司馬遷亦從安國問故。遷書載堯典。禹貢。洪範。微子。金縢。諸篇。多古文說。如堯典。放勳。古文動見說文。辯于羣神。辯古文。獨見儀禮注。禹貢。九江入賜大龜。入古文內。見南宮中鼎。堯典。夙夜出內。朕命內。亦作入。賜古文。誤見儀禮注。下賜土姓同。古文入亦作內。鄭敷云。毛伯內門立中庭。內門入門也。蟠冢導濬。古文濬見說文。

洪範曰。涕。惕字之誤。古文以惕爲圍。微子。我其發出往。鄭本亦作往。今作狂非。金縢。周公奔楚事。論衡以爲古文家說。皆卓然古文。無可疑者。第其述事。欲使于覽者。住往以訓詁之字。竄易經文。後之學者。無可攷證。反以史記爲今文耳。又殷本紀所載。湯征湯誥。皆逸書十篇中文也。今所傳古文湯誥。與史記所載。絕不相類。其中如敢用玄牡等語。乃湯時大旱請禱之文。見墨子及呂覽。豈誠孔壁之舊哉。

九經古義卷第五

毛詩古義上

王伯厚云。近世說詩者。以關雎爲畢公作。謂得之張超。或謂得之蔡邕。未詳所出。棟案藝文類聚三十五卷。載張超誚青衣賦云。周漸將衰。康王晏起。畢公喟然深思古道。感彼關雎。德不雙侶。但願周公。妃以窈窕。防微消漸。諷諭君父。孔氏大之列冠篇首。案其文云。康王晏起。與魯詩同。深思古道。又同韓詩。超漢末人。范書有傳。古文苑云。蔡伯喈作青衣賦。志蕩詞淫。故張子並作此以規之。邕賦亦載集中。無畢公作關雎語。

采采卷耳。不盈頃筐。傳云。頃筐。易盈之器也。荀卿子引此詩。亦云。頃筐易滿也。卷耳。易得也。然而不以貳周行。大雅行葦云。敦弓既堅。傳云。天子敦弓。敦與彫古今字。荀卿子云。天子彫弓。諸侯彤弓。正義以天子彫弓爲事不經見。非也。經典序錄云。孟仲子傳。根牟子。根牟子傳。趙人荀卿子。荀卿子傳。魯人大毛公。此傳及行葦傳。蓋用其師說。王伯厚曰。毛傳以平平爲辨治。又以五十矢爲束。皆與荀子同。鄭氏詩譜云。魯人大毛公。爲故訓。傳於其家。河間獻王得而獻之。以小毛公爲博士。徐堅曰。荀卿授魯國毛亨。作詁訓傳。以授趙國毛萇。時人謂亨爲大毛公。萇爲小毛公。後儒以爲毛萇作詩傳。非也。

肅肅免置。施于中逵。韓詩作中馗。薛君曰：馗，中設九交之道也。案說文：馗，正字也。逵，或字也。當从韓詩。玉篇：馗，古文作馗。釋草云：中馗，菌。釋文云：郭音仇。舍人本作中馗。是馗有鳩聲，與仇協。

南有喬木，不可休息。釋文云：休息並如字。古本皆爾。本或作休思。此以意改爾。案韓詩外傳：息作思。樂記云：使其文足論而不息。荀卿子息作認。說文云：認，思之意。从言从思。禮記多古文，或思息通也。

江之永矣，不可方思。說文干業字下引詩云：江之永矣。韓詩同。余疋云：業，長也。郭璞云：業所未詳，是未攷韓詩。齊侯鐘云：士女考壽萬年，樂保其身。又子子孫孫樂保用。口是業乃古永字。韓詩从古文，故作

樂說文永部，別載業字，未之攷也。

采芣云：夙夜在公。尉氏令鄭君碑云：夙夜在公，卽夙字。說文曰：夙，早敬也。从夙，持事雖夕不休，早敬者也。義雲章及古鐘鼎文，皆作夙。徐鉉曰：今俗作夙，譌。春秋有季孫夙，左傳作宿，从古文。

采蘋云：于以湘之。維錡及釜。傳云：湘，亨也。正義云：余疋無文。傳以當時驗之。案漢書郊祀志云：皆嘗鬻亨上帝鬼神。小顏云：鬻，亨。養而祀也。韓詩采蘋曰：于以鬻之。唯錡及釜。湘訓亨無致。當从韓詩作鬻。廣雅云：鬻，任也。音傷。

白茅純束。箋云：純讀如屯。戰國策曰：錦繡千純。高誘曰：純音屯。束也。左氏傳云：執孫蒯于純。留。漢書作屯。留是古文，皆以純爲屯。古文純作屯。見饒姜敦。

威儀棣棣，不可選也。傳云：物有其容，不可數也。案朱穆集載絕交論云：威儀棣棣，不可算也。鄭注論語云：

算數也。與毛訓同。漢書車丞相贊云：斗筭之徒，何足選也。古選與選通。周禮大司馬云：撰車徒。鄭注云：撰讀曰算。算，車徒謂數擇也。

日月云：報我不述。傳云：述，循也。箋云：不循禮也。釋文云：述本亦作術。文選注引韓詩曰：報我不術。薛君曰：術，法也。棟案：術，古文述。薛夫子訓爲法，非也。士喪禮云：筮人許諾不述命。注云：述，循也。既受命而申言之曰述。古文述皆作術。祭義：術者，鄭氏云：術當爲述聲之誤也。

谷風云：不遠伊邇。薄送我畿。傳云：畿，門內也。案呂覽正月紀曰：出則以車，入則以輦，務以自佚。命之曰招。歷之機。高誘曰：招，至也。歷，機門內之位也。士冠禮注云：闔，門槩也。闔，闔也。古文闔爲闔。闔爲闔。春秋傳曰：婦人送迎不出門。見兄弟不踰闔。禮記云：內言不出于闔。暨，卽槩也。或暨字之誤。是暨闔字通。暨卽闔也。乘輦于宮中，遊翔至于歷機。故曰：務以自佚也。詩曰：不遠伊邇。薄送我畿。此不過歷之謂畿。與機古字通。

施丘云：狐裘蒙戎。蒙，徐邈音武邦反。春秋傳作虺茸。故讀从之。棟案：蒙本與虺通。管子五輔篇云：敦懷純固。義作敦虺。荀子引詩曰：受小共大共。爲下國駿蒙。今詩蒙作虺。小戎詩云：蒙伐有苑。箋云：蒙，虺也。有力如虎。執轡如組。傳云：組，織組也。武力比於虎。可以御亂。御衆有文章。言能治衆。勳於近成於遠也。呂氏春秋曰：詩曰：執轡如組。孔子曰：審此言也。可以爲天下子貢曰：何其躁也。孔子曰：非謂其躁也。謂其爲之於此，而成文於彼也。聖人組脩其身，而成文於天下矣。大毛公與呂氏同時，蓋皆有所受之也。

赫如渥赭堯廟碑云赫如屋赭案易鼎九四曰其形渥鄭玄本作劇音爲屋云三公傾覆王之美道屋中刑之古形與刑通見漢碑又傅氏易萃初六一渥爲矣今易作巽鄭玄讀爲夫三爲屋之屋蓋古文渥字或省文或屋字反从水旁五帝紀帝嚳濞執中而徧天下徐廣曰古既字作水旁故諸儒訓詁各異也

北風云其虛其邪箋云邪讀如徐曹大家注幽通賦引作徐蓋三家之說也弟子職云志無虛邪亦讀如徐虛徐狐疑也

柏舟云實維我特韓詩特作直高誘注呂覽云特猶直也棟案直猶植也繁陽令楊君碑以植爲特故韓詩作直義得通也穀梁傳曰植言同時本亦作特玉藻注云植讀皆如直道而行之直是植與特同又讀爲直士相見禮曰喪俟事不植弔定本作特義雲切韻特作植

中霽之言不可道也玉篇引作霽云中夜之言也韓魯詩同廣雅曰霽夜也大玄玄攢曰晝以好之夜以醜之故下云言之醜也

不可讀也傳云讀抽也匡謬正俗曰抽當爲籀籀讀也从竹摺聲摺卽古抽字皆依說文爲說棟案說文云籀讀書也又手部摺或从抽大史公曰籀史記石室金縢之書籀亦讀抽也王莽傳云或籀其兩脅師古曰籀與抽同呂覽十月紀云涉血鑿口高誘曰鑿古抽字

象服是宜傳云象服尊者所以爲飾案說文曰豫飾也史游急就篇云豫飾刻畫無等雙漢書外戚傳豫

飾將豎往問疾師古曰襍盛飾也象木禰字古文省疏以爲象骨飾服失之

鶉之奔奔高誘注呂覽引作賁云色不純也左傳禮記皆作賁案漢有虎賁舊作奔古字通白駒詩云賁然來思傳云賁飾也鄭箋引周易賁卦以釋之徐邈音賁爲奔真得古音矣今人以賁卦之賁及詩賁然來思皆音彼義反失之詳易攷朱育集字奔作賁

升彼虛矣以望楚矣傳云虛漕虛管子大匡曰狄人伐衛衛君出致于虛注云虛地名

干旄云素絲祝之箋云祝當作屬屬著也鄭氏攷工兩人注云屬讀如灌注之注戰國策曰一舉而注地於楚高誘曰注屬又周禮嘉醫職云祝藥劑殺之齊注云祝當爲注讀如注病之注聲之誤也注謂附著藥淮南子曰冶工之鑄器高誘曰鑄讀作祝禮記樂記云封帝堯之後于祝注云祝或爲鑄蓋古字祝屬注鑄皆同音陸氏釋文音祝爲之蜀反未詳

考槃在淵韓詩淵作干棟案淵當作閒與寬諼協韻閒與干古今字聘禮記凡庭實隨入左先皮馬相閒可也注云古文閒作干文選注五卷引韓詩云考槃在干地下而黃曰干

庶姜孽孽釋文云孽魚竭反徐五謁反韓詩作軼牛遏反長貌呂覽云宋王築爲藥臺高誘曰藥當作軼藥與軼其音同詩云庶姜軼軼高長貌也

芄蘭云能不我甲傳云甲狎也徐邈音胡甲反匡謬正俗曰甲雖訓狎自有本音不當便讀爲狎其說非也漢儒訓故音義相兼毛傳如汝潰怒如調飢調朝也小星維參與昴集韻引作昴昴留也鷓鴣彼茁

者葭苗出也。谷風亦以御夜。御，禦也。葛屨摻摻女手，摻摻猶織也。說文作織。宛丘子之湯兮，湯，蕩也。東山烝在桑野，烝，寘也。破斧四國是皇，皇，匡也。齊詩作匡。常棣烝也，無戎烝，墳也。蓼蕭爲龍爲光，龍，龍也。左傳作龍。六月如輕如軒，輕，輦也。正月喪妣，威之威，滅也。左傳作滅。小旻是用不集，集，就也。韓詩作就。小弁譬彼壞木，壞，癭也。說文作癭。鴛鴦摧之，秣之摧，莖也。文王陳錫哉，周哉，載也。左傳國語作載。大明倪天之妹，倪，嚳也。韓詩作嚳。械楛追琢其章，追，彫也。文王有聲，適求厥寧，適，述也。孫奕余正注云：適，古述字。王后維翰，翰，幹也。同音寒。卷阿似先公會矣，似，嗣也。蕩侯作侯，祝作詛也。崧高往迓，王舅迓，已也。烝民古訓是式，古，故也。我儀圖之，儀，宜也。江漢矢其文德，矢，施也。禮記作弛。與施同。閔子小子繼序，思不忘，序，緒也。良相曼曼，良相，曼曼猶測測。烈祖噩假，無言，噩，總也。長發率履不越，履，禮也。韓詩作禮。如此類，不可悉舉。皆音義相兼者。芄蘭詩，甲字。韓詩本作狎，尙書多方，甲于內亂，鄭王皆以甲爲狎。古文省少，以甲爲狎，遂有狎音，非假借也。經傳中惟徐氏釋音，獨得古人之義。小顏輒斥以爲非，何也。

清人云：河上乎道遙。釋文曰：道本又作消。遙本又作搖。說文新附曰：道遙，猶翱翔也。徐公文曰：詩只用消

搖字，此二字字林所加。棟案：後漢崔駰撰張平子碑，已用道遙字，不始于呂諶也。但經典中只合用消搖耳。近有僧父作字書，名正字通，謂莊子消搖游，篆文已從是，其妄若此。

蓋裘字亦作求。云舍命不渝。箋云：舍猶處也。王肅云：舍，受也。棟案：舍猶釋也。管子小問曰：語曰澤命不渝

信也。徐廣史記注云：古釋字作澤。周頌載芟曰：其耕澤澤。余正作釋釋。今亦讀爲釋。康成周禮注曰：舍

卽釋也。又士冠禮注云：古文釋作舍，是澤命卽舍命也。蓋古有是語，詩引之，以美君子之信。列子云：其人舍然大喜，曉之者亦舍然大喜，舍皆讀爲釋。

子之昌兮，俟我乎堂兮。箋云：堂當爲根。棟案古文論語有申根，史記作申堂，漢王政碑云：有羔羊之絜，無申棠之欲。堂與棠同，見魯峻碑，是堂本與根通，故讀爲根，非鄭之改字也。

子衿傳云：青衿，青領也。正義曰：釋器云：衣皆謂之襟。李巡曰：衣皆衣領之襟。孫炎曰：襟，交領也。衿，與襟音義同。棟案張有復古編云：衿，衣系也。从糸，今古作綫，別作衿，非。又云：衿，衿也。从衣，金，別作襟，非。衿與襟通。與衿異。正義混衿襟爲一，非也。王伯厚云：漢石經作子衿，得之。

縞衣綦巾，聊樂我員。釋文曰：員本亦作云。商頌箋曰：員，古文作云。言古文以員爲云也。韓詩作魂，案魂亦與云通。中山經曰：其光熊熊，其氣魂魂，魂猶云云也。呂覽園道篇曰：雲氣西行云云然。云亦古文雲字。薛夫子訓魂爲神，失之。春秋正義引孝經說云：魄白也。魂云也。是魂與云通。云動也。易繫辭云：動靜云爲。

敝笱在梁，其魚魴鰈。箋云：鰈，魚子也。古魂反。正義曰：鰈，魚子，釋魚文。今余正作鯉。李巡曰：凡魚之子，總名鰈也。鰈，鰈字異。蓋古字通用。或鄭本作鯉。棟案說文：鰈，从魚，鬻省聲。鬻，本昆弟字。古魂切。周人謂兄曰鬻。余正作鬻，从弟爲鬻，从魚爲鰈，與鯉同物同音，非通用字也。汗簡云：古論語，昆作鬻。又云：石經鰈作鯉。

齊子發夕。傳云發夕自夕發至旦。小宛詩云明發不寐。薛夫子王叔師皆訓發爲旦。故焦氏易林云襄送季女至於蕩道。齊子旦夕留連久處。旦夕猶發夕也。說文云禮昏鼓四通爲大鼓。夜半三通爲戒晨。旦明五通爲發明。發明猶旦明也。下經云齊子愷悌。余疋云愷悌發也。郭璞云發發行也。

河水清且漣漪。釋文云漣力廳反。案說文漣卽瀾或字也。音洛干切。余疋釋水正作瀾。漸漸之石。箋云與

衆水涉入水之波漣。漣卽瀾字。故一本作瀾。陸氏音連亦誤。

胡取禾三百億兮。傳云萬萬曰億。箋云十萬曰億。賈逵唐固注國語皆以萬萬爲億。棟案徐岳數術記遺曰黃帝爲法數有十等及其用也。乃有三焉。十等者億兆京垓秭溝澗正載三等者謂上中下也。其下數者十變之。若言十萬曰億。十億曰兆。十兆曰京也。中數者萬萬變之。若言萬萬曰億。萬億曰兆。萬兆曰京也。上數者數窮則變。若言萬萬曰億。億億曰兆。兆兆曰京也。甄鸞曰毛注曰萬萬曰億。此卽中數也。鄭注云十萬曰億。此卽下數也。鄭注以數爲多。故合而言之。上數宏廓。世不可用。韋昭楚語注云十萬曰億。古數也。今人乃以萬萬爲億。是中數之說始於秦漢也。

三歲貫女。魯詩貫作宦。外傳國語云入宦於吳。韋昭曰宦爲臣隸也。禮堂集古錄有臣數印。其字作臣數。貫當讀爲宦。徐邈音宦。此宦字之誤。傳云貫事也。蓋本余疋而與宦義亦通。聖壽以爲宦卽貫字。恐未然也。

素衣朱襮。傳云襮領也。諸侯繡黼。丹朱中衣。箋云繡當爲緇。緇黼丹朱中衣。中衣以緇黼爲領。丹朱爲純。

棟案鄭氏此說蓋从魯詩見士昏禮注焦贛曰素衣朱襮衣素表朱也

見此粲者傳云三女爲粲案說文云三女爲效效美也从女奴省聲字林从女奴不省廣韻引此傳亦作粲周伯琦六書正譌云詩云見此奴者俗用粲非

有杖之杜云噓肯適我傳云噓速也韓詩噓作逝云及也案余疋釋言云邁速也與毛傳合从辵不从口方言云噓速也北燕曰噓速通語也

載獫狁箋云載始也始田犬者謂達其搏噓始成之也朱子謂以車載犬休其無太恐非重人賤畜之義張衡西京賦云屬車之籛載獫狁橋寧得謂以副車載犬邪蓋文似相連而意不屬耳

小戎箋云此羣臣之兵車故曰小戎案齊語及管子云十軌爲里故五十人爲小戎里有司帥之章昭曰此有司之所乘故曰小戎古者戎車一乘步卒七十二人今齊五十人棟謂章氏所據乃司馬法云六月詩所謂元戎也七十二人爲大戎五十人爲小戎其周之制與

無衣云與子同澤傳云澤潤澤也箋云釋褻衣近污垢案說文釋綺也綺爲脛衣非褻衣也釋名曰汗衣近身受汗之衣也詩謂之澤作之用六尺裁足覆胛背汗衣滋液故謂之澤毛說是也釋文不云鄭異字正義謂易傳爲釋非也

宛丘云子之湯兮傳云湯蕩也陸氏曰舊音他浪反棟案湯本古蕩字王逸引此詩正作蕩云蕩猶蕩蕩無思慮兒也古文論語云君子坦蕩蕩鄭康成注云魯論作坦蕩是古皆以蕩爲蕩古又以蕩爲蕩地

理志河內蕩陰縣小顏音湯或音他郎反者非。

穀且于差王肅音嗟韓詩作嗟古嗟字或省文作差然此詩差字仍當从鄭音初佳反。

可以棲遲嚴發碑云西遲衡門說文云西鳥在巢上象形日在西方而鳥棲故因以爲東西之西或作棲
从木妻是西爲古文棲也。

防有鵲巢印有旨苕後漢志注博物記云印地在陳國陳縣北防亭在焉詩云印有旨苕防有鵲巢。

胡爲乎株林毛氏傳云株林夏氏邑劉昭曰陳有株邑蓋朱襄之地。

有蒲與荷正義曰如尔疋則夫渠之莖曰茄見釋草此言荷者意欲取莖爲喻亦以荷爲大名故言荷耳。

樊光注尔疋引詩有蒲與茄然則詩本有作茄字者案揚雄反離騷曰衿芰茄之綠衣兮被夫容之朱
裳師古曰茄亦荷字見張揖古今字譜。

檜王符潛夫論云會在河伊之間其君驕貪齷儉滅爵損祿羣臣卑讓上下不臨詩人憂之故作羔裘閱

其痛悼也匪風冀君先教也會仲不悟重氏伐之上下不能相使禁罰不行遂以見亡余案節信此言

蓋本周書史記此高辛時有郟之君非外傳檜仲也是以汲郡古文云帝高辛十六年帝使重帥師滅

有郟左史戎夫所云重氏伐之郟君以亡是也世本云陸終娶鬼方氏妹曰女嬪生子六人四曰求言

是爲郟人郟人者鄭是宋衷曰求言名也姬姓所出郟國也陸終在高辛之後或因有郟之墟而封之

後爲鄭武公所滅耳王符之說失之。

素冠云棘人樂樂兮傳云棘急也棟案棘古瘠字義雲章作瘠義雲切韻又作棘見汗簡字相似因誤爲棘呂覽任地曰肥者欲棘高誘曰棘羸瘠也詩云棘人之樂樂

東山云零雨其濛王逸引作蒙云盛兒說文引作灂从雨暵象零形石鼓庚文云灂雨奔流又鐘鼎文皆以灂爲令

周公東征四國是皇傳云皇匡也董氏曰齊詩作匡賈公彥引以爲據則是皇讀爲匡余疋皇匡皆訓爲正白虎通曰言東征述職周公黜陟而天下皆正也法言又作主

伐木許許傳云許許梯兒說文引作所所云伐木聲也从斤戶聲許所古通字尋詩意毛說爲長朱子詩傳引淮南子云舉大木者呼邪許案邪許者舉木之聲非伐木也漢書疏廣傳數問其家金餘尙有幾

所師古曰幾所猶言幾許也禮說曰所者削梯猶斯者析薪故斯所皆从斤說文依毛傳而云所所伐木聲遠聞其聲近見其貌傳言說者以伐木之梯與縮酒之茅

天保云俾爾單厚傳云單信也或曰單厚也箋云單盡也棟案王符潛夫論引此詩本作賣故傳訓爲信鄭本作單故爲盡賣與單古今字周頌云於緝熙單厥心單國語引作賣

吉蠲爲饌釋文云蠲舊音圭案呂覽曰臨飲食必蠲絜高誘曰蠲讀爲圭蓋三家詩本作吉圭惟饌故高讀從之孟子曰廟以下必有圭田趙岐曰圭潔也

采薇云歲亦陽止又杖杜云日月陽止案董仲舒雨雹對云十月陰雖用事而陰不孤立此月純陰疑于

無陽。故謂之陽月。詩人所謂日月陽止者也。鄭采薇箋用董說。

由儀萬物之生各得其宜也。宜東督補亡詩引作儀。李善注云毛萇詩傳儀宜也。倉頡篇曰宜得所也。此與角弓如食宜饁文王宜鑒于殷皆當從韓詩禮記作儀訓爲宜。尙書般庚曰若顛木之有由彙說文由作胃云古文作由木生條也。是由訓爲生。故序稱萬物之生。徐鍇曰由本古文𠄎後人通用爲因由等字。

爲龍爲光。傳云龍寵也。案龍讀爲寵。昭十二年傳云公賦蓼蕭。叔孫昭子曰宴語之不懷。寵光之不宣。令德之不知同福之不受。焦氏易林曰蓼蕭露瀼君子寵光。鳴鸞囉囉福祿來同。是書傳皆讀龍爲寵。王肅周易師之九二象曰在師中吉承天寵也。訓爲寵。今易作寵。知龍爲古文寵。故傳云龍寵也。商頌長發曰何天之寵。箋云龍當作寵。寵榮名之謂。

六月云如輕如軒。傳云輕擊也。攷工云大車之轅繫其登又難。注云繫轎也。轎人云軒繫之任。淮南人間云道者置之前而不鑿。錯之後而不軒。高誘曰鑿音志。从車不入手。既夕禮云志矢一乘。軒轎中鄭氏云轎鑿也是鑿又作鑿。

搏獸于敖。水經注引云薄狩于敖。東京賦同。徐堅初學記引作搏狩。棟案狩本古獸字。故鄭箋云田獵搏獸也。何休公羊注云狩猶獸也。淮南覽冥云狡蟲死高誘曰蟲狩也。漢石門頌云蕪虫孽狩。婁壽曰義作斃獸。若經文作搏獸。鄭氏之箋不已贅乎。唐石經仍作搏獸。

既伯既禱。說文引云。既禱既禱。云禱牲馬祭也。周禮大司馬云。有司表貉。先鄭云。貉讀爲禱。禱謂師祭也。又旬祝表貉。杜子春讀貉爲百爾所思之百。書亦或爲禱。後鄭肆師注云。貉讀爲十百之百。蓋貉讀爲禱。又讀爲百。百卽伯也。字異而音義皆同。旬祝又云。禱牲禱馬。杜子春云。禱禱也。詩云。既伯既禱。後鄭云。禱讀如伏誅之誅。今侏大字。棟案尙書無逸曰。詩張爲幻。馬融本作禱。余疋及詩又作儻。毛傳云。儻儻也。揚雄國三老箴曰。負乘覆餗。姦寇侏張。李善曰。禱與侏古字通。然則禱、儻、侏四字皆音同。吉日庚午。翼奉曰。南方惡行廉貞。寅午主之。西方喜行寬大。巳酉主之。二陽並行。是以王者吉午酉也。詩曰。吉日庚午。棟案穆天子傳云。天子命吉日戊午。又云。吉日辛酉。天子升于昆侖之丘。此王者吉午酉之證也。穆天子書出於晉代。而奉說與之合。當亦傳之先達者。

鶴鳴于九臬。韓詩章句曰。九臬九折之澤。楚辭章句。澤曲曰臬。王充亦言。鶴鳴九折之澤。孫叔敖碑云。收九臬之利。婁壽曰。本澤字去水省。非也。單卽臬字。馬文淵所謂四下羊也。案文當云。四下羊。羊音工刀反。从四羊聲。漢時已誤羊爲羊。故文澗辨之。

正月云。赫赫宗周。褒姒威之。傳云。威滅也。案靈臺碑云。興威繼絕。騶氏竟銘云。肱虜殄威。詛楚文。伐威我百姓。皆以威爲滅。

十月之交云。蕃維司徒。古今人表。蕃作皮。案魯國有蕃縣。應邵曰。蕃音皮。是蕃有皮音。故亦作皮也。儀禮既夕云。設披。鄭注云。今文披皆爲藩。案披从手皮聲。見說文。藩與蕃同。故以披爲蕃聲之誤也。鄉射禮

云君國中射則皮樹中。注云。今文皮樹爲繁豎。是古皮繁同音。故韓詩作繁。白哀魯國記云。陳逸子游爲魯相。蕃子也。國人爲諱。改曰皮。白哀晉人。未識古音。故有是說。古蕃繁皆音變。春秋傳有蕞音皮。公羊作頗。是皮亦有婆音。

家伯維宰。案古今人表有太宰冢伯。是家伯作冢伯。故鄭箋以冢宰釋之。

豔妻煽方處。說文煽作備。傳云豔妻褒姒。美色曰豔。案魯詩十月之交云。此日而食。于何不臧。又曰。閻妻扇方處。言厲王無道。內寵熾盛。政化失理。故致災異。日爲之食。爲不善也。中候擗雒戒曰。剡者配姬以放賢。山崩水潰。納小人家。伯罔主異。載震。孔穎達云。剡豔古今字。以剡對姬爲其姓。以此知非褒姒也。鄭从魯詩爲厲王時事是也。下經云。皇父孔聖。作都于向。汲郡古文。幽王元年。王錫大師尹氏。皇父命。

六年。皇父作都于向。鄭氏詩序箋云。作詒訓傳時。移其篇第。毛公秦人。必有所據。未可盡非。

抑此皇父。箋云。抑之言噫噫。是皇父疾而呼之。徐邈音噫。韓詩云。抑意也。案意卽噫也。周頌噫嘻。成王定本。作意。淮南繆稱曰。意而不口。高誘曰。意。悲聲。抑本與意通。蔡邕石經論語云。意與之與。古文意作抑。大雅有抑篇。外傳作懿。章昭云。懿讀曰抑。

爾無正云。若此無罪。淪胥以鋪。韓詩云。薰胥以捕。薰。帥也。胥。相也。捕。病也。言此無罪之人。而使有罪者相

帥而病。是其大甚。後漢書注。漢書敘傳云。烏乎史遷。薰胥。呂刑。管灼曰。齊韓魯詩作薰。薰。帥也。从人得罪。相坐之刑也。顏籀曰。韓詩淪作薰。薰者相薰蒸。棟謂薰。閹也。春秋傳云。以韓起爲閹。薰與閹通。易艮

之九三曰厲薰心。荀爽本薰作動。虞翻本又作關。胡廣漢官解詁曰。光祿動。動猶關也。易曰。爲關寺。是薰與關通之證。胥。胥靡也。漢書楚元王交傳云。申公白生諫不聽。胥靡之。應劭引此詩云。淪胥以鋪。胥靡刑名也。呂氏春秋曰。傳說殷之胥靡。高誘曰。胥靡刑罪之名。詩言王赦有罪之辜。而反坐無罪者。以薰胥之刑也。三家詩得之。毛公誤也。荀爽本云。厲動心。注云。互體有震。震爲動。古動動字。每相亂。樂記。謹以立動。注云。動或爲動。淳子。長夏承碑云。策薰著于王室。劉向說苑曰。太王有聖人之恩。故事動育。

小晏云。謀夫孔多。是用不集。發言盈庭。誰敢執其咎。傳云。集。就也。韓詩作就。見外傳。尙書顧命曰。克達殷集。大命。蔡邕石經。達作通。集作就。是集讀爲就。與咎協韻也。

如匪行邁謀。是用不得于道。案左傳襄八年。子駟引此詩。杜元凱注云。匪。彼也。行邁。謀於路人。不得於道。衆無適從。顧炎武云。案詩云。謀父孔多。是用不集。發言盈庭。誰敢執其咎。則杜解爲長。棟案此必三家詩。有作彼者。故杜據彼爲說。兩無正云。如彼行邁。其意略同。顧又云。古有以匪字作彼者。襄廿七年。引詩彼交匪敖。作匪交匪敖。案漢書引桑扈詩。亦作匪。又荀子勸學詩云。匪交匪紆。天子所予。今采菽詩。上匪字作彼。或古匪。彼通用。如顧說也。

九經古義卷第六

毛詩古義下

小宛曰。握粟出卜。是何能穀。古者卜筮。先用精鑿之米。以享神。謂之糈。東山經曰。糈用稌米。淮南說山曰。巫用精藉。郭璞高誘。皆云。祀神之米。楚辭云。巫咸將夕降兮。懷椒糈而要之。王逸曰。言巫咸將下。願懷椒糈要之。使筮者占茲吉凶之事是也。故日者列傳云。卜而有不審。不見奪糈。詩言貧者不得精鑿之米。貞于陽卜。而但持卷握之粟。求兆于豬屬羊膊。雖得吉卜。安能爲善乎。管子云。守龜不兆。握粟而筮者屢中。言無與於吉凶也。糈。王逸郭璞皆音所。莊子云。鼓筴播糈。司馬彪曰。簡米曰糈。釋文云。糈一音所。則當作數。糈非也。此必糈字之誤。王伯厚曰。文選注作播糈。故音所。崔驥云。鼓筴播糈。音賣卜。說文曰。糈。財卜。問曰。糈。从貝。疋聲。讀若所。然則日者傳奪糈當作奪賈。疋與疋同。墨子曰。有二生於此。善星一行爲人筮者。與處而不出者。其精孰多。公孟子曰。行爲人筮者。其精多。精者。精鑿米也。漢書五行傳云。卜請其糈而藏之。乃吉。於是布幣策告之。師古曰。說者以爲策者糈米。

巧言曰。譖始既涵。傳云。涵。容也。鄭音咸。云。涵同也。韓詩作減。減。少也。棟案古咸字作減。春秋傳云。咸黜不端。諸本咸或作減。說文云。涵。水澤多也。毛既訓涵爲容。當从省文作函。函本與咸通。周禮伊耆氏共其

杖咸鄭注云咸讀爲函司馬相如封禪文云上咸五下登三徐廣曰咸一作函漢書天文志開可械劍蘇林曰械音函容也毛音舍訓爲容鄭音咸訓爲同義並得通薛君以爲減少之滅失之

何人斯云爾之安行亦不遑舍熊氏經說云舍與車盱協音作舒便合讀作舒春秋定六年齊人弑其君茶音舒公羊作舍字音舒自古有之棟案史記律書云舍者日月所舍舍者舒氣也是舍有舒義故有

舒音

大田云俶載南畝箋云俶讀爲熾載讀爲蓄栗之蓄地理志云梁國留縣故戴國春秋正義曰古者留戴聲相近故鄭玄詩箋讀俶戴爲熾留棟案詩俶載字不作戴春秋戴國陸氏釋文作載石經作戴戴與載字本通絲衣詩載弁俶俶箋云載猶戴也陳留戴國本亦作載故隋時置載州顏籀以爲誤而駁蓋未知字之相通也釋名云戴載也載之於頭也

去其螟螣說文曰螟蟲食穀葉者更冥冥犯法卽生螟螣蟲食苗葉者釋蟲云食葉螟更乞貸則生螣更乞貸者周書所謂奸吏濟貸也詩曰去其螟螣案賸古文作螣見朱育集字與毛詩合唐公昉碑作螣孫叔敖碑作貸與說文略同呂覽五月紀曰百蠶時起高誘曰蠶讀近殆兖州人謂蝗爲螣其音與說文說亦同

瞻彼洛矣傳云天子玉璫而瑤瑤諸侯盪璫而璫璫大夫鏐璫而鏐璫士瑒璫而瑒璫正義云傳因璫瑒歷道尊卑所用似有成文未知所出說文玉部云禮云佩刀天子玉璫而瑒瑒諸侯盪璫而璫瑒士瑒

璚而瑤瑤。又云璚佩刀上飾。瑤佩刀下飾。天子以玉。諸侯以金。說文所稱禮者。蓋逸禮也。棟聞之。尔正者。六經之訓詁也。其釋器一則云黃金謂之盪。其美者謂之鑿。白金謂之銀。其美者謂之鐐。又云以辰者謂之珧。豈非以禮有此文。而爲是說與。毛公詩傳多識故實。可以補傳記之缺。學者省之。

桑扈云。兕觥其觥。說文引云。兕觥其觥。从角。𠂔。云角兒。良耜云。有捩其角。箋云。捩角兒。穀梁傳云。展觥角。而知傷。范甯云。觥。球然角兒。則觥與捩。皆當作觥。周伯琦六書正譌云。觥从角。𠂔。聲。俗作觥。非。

樂酒今夕。君子維宴。王逸楚辭章句引云。樂酒今昔。云昔夜也。昔夕古文通。穀梁傳曰。日入至于星出。謂之昔。崔譔莊子注云。昔夕也。管子小匡云。且昔從事。且昔猶旦夕也。列子曰。尹氏有老役夫。昔昔夢爲國君。注云。昔昔夜夜也。

瓠葉云。有兔斯首。箋云。斯。白也。今俗語斯白之字作鮮。齊魯之間。聲近斯。有兔白首者。兔之小者也。正義曰。宣二年左傳曰。于思于思。服虔曰。白頭兒。字雖異。蓋亦以思聲近鮮。故爲白頭也。案尔正釋詁曰。鮮。善也。釋文云。本或作鬻。沈旋曰。古斯字。又說文兩部云。鬻。从兩鮮聲。讀若斯。此鮮與斯聲近之證。旋沈約子。

漸漸之石云。山川悠遠。惟其勞矣。箋云。山川者。荆舒之國所處也。其道里長遠。邦域又勞勞廣闊。言不可卒服。正義云。廣闊遼遠之字。當從遼遠之遼。而作勞字者。以古之字少。多相假借。詩又口之詠歌。不專以竹帛相授。音既相近。故遂用之。此字義自得通。故不言當作遼也。案昭七年左傳云。隸臣僚服虔解。

誼曰僚勞者共勞事也。寮勞古音同。故潦水亦作滂水。師古注上林賦。潦音牢。勞勞之語。見孔氏聘辭。僚與遼皆從寮聲。知古字通也。

文王云於昭于天。正義曰。尙書注云。鄭注尙書。於者鳴聲。則於鳴古今字。案說文及義雲章。古鳥字皆作於。鳥本鳴呼字。古文春秋傳皆然。於於字相似。因譌爲之。

大明云倪天之妹。傳云倪馨也。說文曰倪。警誦也。韓詩作馨。馨。警也。傳不訓爲警。而云馨者。蓋讀倪爲馨也。

殷商之旅。其會如林。說文引此詩。會作旛。春秋傳云。旛動而鼓。杜元凱以旛爲旃。故馬融廣成頌曰。旛論森其如林。

檀車煌煌。駟驥彭彭。箋云。兵車鮮明。馬又強。則暇且整。小正出車云。旂旒央央。傳云。央央。鮮明也。棟案漢有鮮明騎。見魯峻石壁殘畫。又朱浮慕石壁人物。有鮮明隊。皆見隸續。司馬彪與服志云。若會耕祠。主縣假給辟車。鮮明卒。史記。諸少孫撰任安傳云。小史上書言。任安受太子節發兵。言幸與我其鮮好者。索隱云。鮮音仙。謂太子請其鮮好之兵甲也。漢書辛慶忌傳云。慶忌性好與馬。號爲鮮明。此與皇矣箋以辟援爲跋扈。辟援作亦辟換。故傳云。項氏辟換。注云。猶言跋扈。皆當時之語。跋扈將軍。見漢人所撰。

棟案別傳。范氏作漢史。采入傳中。

會朝清明。傳云。會甲也。甲朝者。一朝也。古皆以甲爲一。如第爲甲第。觀爲甲觀。令爲甲令。夜爲甲夜。書曰。

壹戎殷言役不再籍也。戰國策張儀曰：昔者紂爲天子，帥天下將甲百萬，以與周武爲難。武王將素甲三兵，領戰一日，破紂之國，禽其身。據其地，高誘曰：一日，甲子之日也。太公望爲號，到牧野，便克紂。故曰：一日，毛公以意說詩，故訓會朝爲甲朝。又云：不崇朝而天下清明，不崇朝者，不終朝也。後人泥于訓詁，或訓爲甲子之朝，或訓爲甲兵之甲，皆非毛公之意。

古公，竇父，古公者，故公也。說文云：古，故也。穀梁傳云：踰年不卽位，是有故公也。猶言先王先公。穆天子傳云：大王，竇父。

周原，廡廡，此名國之始也。汲郡古文云：武丁元年，邠遷于岐。周三年，命周公，竇父。高誘呂覽注云：岐山在右扶風，美陽之北。其下有周地，周家因之，以爲天下號也。

乃慰，乃止。傳云：慰，安。案方言也。慰，居也。江、淮、青、徐之間曰：慰是慰，與止同義。

皇矣云：其蓄其翳。傳云：木立死曰蓄。李巡尔疋注云：以當死，害生曰蓄。棟案：蓄者側立之象，木死不臥，以根著于地，故謂之蓄。鄭氏周禮注云：泰山平原所樹立物爲蓄，聲如蔽。博立，梟基亦爲蓄。蓄猶事也。

患夷載路。毛讀患爲串。鄭如本字釋之。正義云：患夷者，患中國之夷。棟案：董仲舒云：書云：止于一者，謂之忠。持二忠者，謂之患。混夷之人，荒忽無常，故謂之患夷。患夷載路，鷓鴣革響矣。一說說文無串字。古患字作患，韻乃古貫字。晉姜鼎云：令俾聿通。楊南仲訓爲毋，與貫同。棟案：明堂位云：崇鼎，貫鼎。大璜，封父龜。鄭氏云：崇，貫，封父，皆國名。貫之與昆，同物同音，故詩謂之混。皇矣詩謂之串，尙書大傳云：文王受

命四年伐犬夷。六年伐崇。鄭注云：犬夷，混夷也。皇矣伐崇之詩，時混夷已平，故云載路崇鼎，貫鼎皆伐二國時所得之寶，故與封父同稱，則串夷之爲貫無疑矣。

度其鮮原，居岐之陽。周書和寤曰：王乃出圖商，至于鮮原。孔晁曰：近岐周之地。汲郡古文曰：帝辛十五年秋，周師次于鮮原，則鮮原乃商周之境。鄭訓爲善非也。正義及蘇氏皆誤以爲程邑。王氏地理攷亦未及引，蓋博物之難如此。

與爾臨衝，傳云：臨，臨車也。衝，衝車也。案文當云：隆，隆車也。隆，高也。巢車之類。鹽鐵論云：衝，隆不足爲強，高城不足爲固。韓詩作隆衝。後漢殤帝諱隆，改隆爲臨。漢有隆慮縣，東京爲臨慮。避諱也。臨慮屬河內郡。

亦作林。高誘注淮南仍作林。隆之字曰盛，故伏隆爲伏盛。見東觀漢記。孔穎達以爲臨者臨下之名，失

之。左氏定八年傳云：主人焚衝。注云：衝，戰車。釋文云：說文作輻，陷陳車也。衝車隆高，故可焚。

下武云：昭茲來許，傳云：許進，訓許爲進，未詳所出。案後漢志載東觀漢記引詩云：昭茲來御，蔡邕獨斷云：御者進也，與傳合，疑傳寫之誤。

行葦忠厚也。周家忠厚，仁及草木。棟案漢儒皆以行葦爲公劉之詩。班叔皮北征賦曰：慕公劉之遺德，及行葦之不傷。寇榮曰：公劉敦行葦，世稱其仁。王符曰：詩云：敦彼行葦，牛羊勿踐履。方苞方體：惟葉握握，公劉厚德，恩及草木。羊牛六畜，且猶感德。趙長君曰：公劉慈仁，行不履生草，運車以避葦，長君从杜撫受學，義當見韓詩也。

既醉云永錫爾類傳云類善也王逸曰類法也案荀卿子禮論曰禮有三本天地者生之本也先祖者類之本也注云類種襄廿三年傳云子展廢良而立太叔曰請舍子明之類良子明子是類爲子呂覽權勳篇云齊王謂觸子必刻若類又云若殘豎子之類皆謂類爲子周語叔向曰類也者不忝前哲之謂也韋昭云言能以孝道施於族類故不辱前哲之人後漢書劉平傳云平抱弟仲女云仲不可以絕類

郭暉傳鄭敬云今幸得全軀樹類注云樹類謂有子嗣故鄭箋改傳以爲族類是也假樂云民之攸暨傳云暨息也正義曰釋詁云咽息也某氏曰詩云民之攸暨郭璞曰今東齊呼息爲咽則暨與咽古今字也棟案說文暨仰涂也非休息之謂又說文口部引詩云犬夷咽矣東夷謂息爲咽正義以暨與咽爲古今字未知何據釋詁云懸休咽息也余疋釋文云懸本或作偈玉篇云懸息也今爲懸屬與暨字相似毛公傳詩多據余疋說文無懸字則釋詁懸字當依玉篇作屬故某氏于此下引詩云民之攸暨大疋民勞云汜可小偈傳云偈息甘棠詩云召伯所懸釋文云懸本又作揭揚雄賦云度三壘兮偈棠梨師古曰偈讀曰懸說文心部云偈息也从心曷聲徐鉉曰今別作懸非是然則甘棠詩懸字當作偈假樂詩暨字當作廡詩同又谷風詩伊余來暨皆从土既或古字假借以暨爲廡

公劉傳云嶽小山別於大山也劉熙釋名曰小山別大山曰顛音彥顛飯也飯一孔顛形孤出處似之也余疋云小山別大山鮮與毛傳異毛於皇矣傳仍用余疋此傳或別有所據

汽可小康箋云汽幾也釋詁曰躡汽也躡古幾字見碧落文汗簡云

板詩云天之方難無然憲憲傳云憲憲猶欣欣也棟案欣讀爲軒古憲獻二字皆有軒音樂記曰武坐致右憲左鄭注云憲讀爲軒劉熙孟子注選文注引曰獻猶軒軒在物上之稱也左傳掀公出於淖徐邈云掀許言反是古音欣與軒同鄭注內則云軒讀爲憲二字又反復相訓矣時姚信有昕天論云昕讀爲軒見月令正義說文昕讀若希與此異

天之屬民如堦如鏡傳云屬道也箋云王之道民以禮義則民和合而從之如此說文曰屬譚長以爲甫上日也非戶也棟案甫上日从昏而明道民以禮義猶昏而照之以天光也尙書大傳云文王有四隣以免乎屬里之害又商傳云太公與三子見文王於羸里羸本古文誘字正義云屬與誘古今字韓詩外傳屬作誘

抑詩云用邊蠻方箋云邊當作剔剔治也泮水詩云狄彼東南箋云狄當作剔韓詩作鬻云除也士喪禮云四鬻去蹄注云今文鬻爲剔棟案邊古文逃見說文義雲章又作愁訓爲剔左氏僖廿八年傳云糾逃王愆漢都鄉正街彈碑云糾剔王忒逃訓遠見尔疋或从狄省文也

桑柔云靡所止疑傳云疑定也正義云疑音疑棟案鄉飲酒禮云賓西階上疑立注云疑讀爲疑然从於趙盾之疑疑然立自定之兒音魚乙反正義音疑非也

孔棘我圍箋云圍當作禦棟案漢書強禦字皆作強圍又管子書多以圍爲禦雲漢云耗斂下土箋云斂敗也棟案斂當作殫汗簡云古文尙書斂作殫故春秋繁露引此詩云耗射下

士射與敦通。敦本訓厭。毛詩古文作殫。鄭隨文釋之。故訓爲敗。

崧高云。往近王舅。傳云。近已也。箋云。近辭也。聲如彼記之子之記。毛居正六經正誤云。近說文作飶。从兀。从辵。兀音基。辵音綽。今作迓音記。字譌作近。不敢改也。說文云。迓者。古之道人。以木鐸記詩言。从辵。从兀。兀亦聲。讀與記同。玉篇云。迓。今作記。今釋文唐石經。皆作近。此傳寫之誤。鄭讀如彼記之記者。王風揚之水云。彼其之子。箋云。其或作記。或作己。讀聲相似。故毛訓爲己。鄭讀爲記。

烝民云。古訓是式。傳云。古故。訓道。箋云。故訓。先王之遺典也。說文引詩作詒訓。言部。云。訓故言也。張揖雜字云。詒者。古今之異語也。訓者。謂字有意義也。郭氏尔疋有釋詁。釋訓。樊孫等尔疋。皆爲釋故。見詩釋文。釋訓。藝文志。詩有魯故。韓故。齊后氏故。孫氏故。毛詩故。訓傳。唐不經及正義。皆作詒訓。釋文作故訓。正義云。定本作故。書有大小夏侯解故。皆所謂故訓。先王之遺典也。小顏曰。故者。通其指義。孔穎達以爲古訓者。故舊之道。故爲先王之遺典。何其謬與。周書大開武曰。淫文破典。典不式。教民乃不類。荀卿子引傳曰。博聞彊志。不合王制。君子賤之。皆謂不式古訓者也。正義首卷。詒訓傳下。亦引是詩以爲證。與此疏異者。顧君寧人所謂諸儒義疏。不出一人之手是也。

江漢云。匪疚匪棘。箋云。棘。急。正義云。棘。急。釋言。文彼棘。作械。當作械。音義同。案釋言云。械。褊急也。注云。皆急狹。鹽鐵論引詩云。獫允孔熾。我是用戒。戒卽械也。毛詩戒作棘。是棘與戒。古字通。瞻卬云。蠹賊蠹疾。釋文。蠹作蚘。云。本又作蠹。棟案。蠹本作蠹。从蟲。不从虺。昆古文蠹作蚘。从虫。从牟。釋文。

是也。

清廟釋文云。廟本又作廣。古今字也。棟案士冠禮。廟字亦作廣。說文云。廣古文廟。

周公既成洛邑。朝諸侯。釋文洛作雒。云本亦作洛。字從水。後漢都洛陽。以火德爲水尅火。故改爲各。傍佳。

棟案陸氏此說。見魚豢典略。然案朱育集字。以雒爲雒。則古本有此字。非始於後漢也。

維天之命。於穆不已。正義曰。譜云。子思論詩。於穆不已。孟仲子曰。於穆不似。棟案說文。以字从反已。漢書

皆作已。與已同。檀弓注云。以已字。以與已字本同。又與似相通。易明夷曰。文王以之。箕子以之。鄭氏本

以皆作似。斯于詩云。似續妣祖。箋云。似讀如已。午之已。正義曰。直讀爲已。不云字異。則古者似已字同。

於穆不已。師徒異讀。是字同之驗也。譜云。孟仲子子思弟子。

假以溢我。說文引云。譏以溢我。譏嘉善也。廣韻引云。譏以謚我。左傳又云。何以恤我。襄廿七年。毛傳云。假

嘉溢。慎案譏與何音相近。故譌爲何。溢與謚字相類。謚又與恤通。皆訓爲慎。古文虞書云。惟刑之恤哉。

伏生尙書。恤作謚。此其證也。

貽我來牟。漢書劉向傳。引作釐麩。云釐麩麥也。始自天降。說文云。來周所受瑞麥。天所來也。故爲行來之

來。棟案郭熙卿字指。後漢中庶子。釐字从釐。徐仙民讀與來同。

載芟云。有略其相。俗作相。傳云。略利也。釋文云。字書作畧。棟案畧本籍文。芟字。故釋詁云。畧利也。相有鋒

芟。乃能熾菑其田畝。略無訓利之文。當从字書作畧。唐石經亦作略非。

萬億及秭。廣韻云：秭，千億也。風俗通云：千生萬，萬生億，億生兆，兆生京，京生秭，秭生垓，垓生壤，壤生溝，溝生澗，澗生正。正生載，載地不能載也。

良相云：以開百室。周書作雒曰：都鄙不過百室，以便野事。都鄙謂采地，井田六鄉則一族，六遂則一鄼，皆百室也。周禮百室之制，都鄙與鄉遂同也。

絲衣：鼎及鼐。釋文云：鼐音茲，徐音災，郭音才。說文曰：鼐，从鼎才聲。郭音是也。史記音義引此詩，鼐作哉。云：哉音資。案哉與才通。張平子碑云：往才女諧。邢昺曰：哉，古文作才。鼐省文作才。音資失之。

酌告成大武也。案儀禮漢書作勺。禮樂志：獲赤馬歌云：勺椒漿，靈已醉，是勺與酌同。左傳作酌。周禮士師云：八成，一曰邦酌。先鄭云：酌讀如酌酒尊中之酌。陸氏詩釋文云：酌亦作酌。正義云：古今字。

保有厥士。棟案：士，古文士。見周牧敦。史記云：有邦有士，告汝祥刑。今尚書呂刑：士作士，呂覽任地云：后稷曰：子能使吾士靖而剛，浴士乎。高誘曰：士當作土。

泮水云：薄采其芣。傳云：芣，芣葵也。周禮：醴人，有芣苢。鄭大夫讀芣爲茅。杜子春讀芣爲卯。說文引詩云：言采其芣。徐仙民音柳。與說文合。案汗簡云：古文尙書以芣爲縮。左傳：縮酒。說文引作茜。茜與芣同。與鄭

大夫說合，不得訓爲芣葵矣。芣本从卯，不从卯。周禮：芣苢，北人皆音柳非也。律歷志云：冒芣於卯。

閟宮曰：后稷之孫，實維大王。居岐之陽，實始翦商。傳云：翦，齊也。箋云：翦，斷也。鄭注周禮：翦氏云：翦，斷滅之。音也。詩云：實始翦商。棟案：毛、鄭二說皆非也。余定釋詁曰：翦，勤也。周自后稷受封以來，世有爵士，自不

宙失官。社稷幾不血食。至於大王。初遭獯鬻之難。自幽遷岐。始能光復祖宗。脩朝貢之職。勤勞王事。至於文王。三分有二。尙合六州之衆。奉勤于商。見周書程典篇。武王初循服事之誠。末年然後受命。皆所謂續大王之緒也。楊慎據說文。引詩作戰商。解云。福也。以爲大王始受福于商。而大其國。案說文戈部云。戰。誠也。宋本亦然。說與鄭氏合。無訓戰爲福之文。惟余疋及天保傳云。戰。福也。然實始福商。其說大鑿。恐未然也。

戎狄是膺。荆舒是懲。史記建元以來侯者年表云。戎狄是應。荆荼是徵。裴駟注毛傳云。應。當也。鄭玄云。徵。艾。余疋云。應。當也。故傳從之。說文云。膺。受也。又訓受與傳異。今作膺者。蓋沿孟子之誤。孟子多俗字。當以史記所引爲正。

玄鳥云。奄有九有。傳云。九有。九州。韓詩作九域。訓與毛傳同。棟案。域當作或。說文曰。或。邦也。从口从戈。以守一地也。古或字作有。有字作又。亦作或。詳尙書考。商書云。九有以亡。又云。以有九有之師。皆九州也。上云。正域。彼四方。傳云。域。有也。案域亦當作或。

武王載旆。史記湯曰。吾甚武。號曰武王。旆。說文引作域。治也。荀子引作發。域與發通。公孫文子名拔。或作發。見檀弓注。與下協韻。周禮大司馬。中夏教茷舍。鄭注云。茷讀如萊沛之沛。沛與旆皆音浦。貝反。與茷會音通。是旆亦讀爲城。古音通也。

惠棟曰。王伯厚謂鄭康成先通韓詩。故注三禮與箋詩異。案鄭志答吳模云。爲記注時。就盧君。先師亦然。

後乃得毛公傳記古書義。又且然。記注已行。不復改之。盧君謂盧子幹也。先師謂張恭祖也。續漢書。盧植與鄭玄。俱事馬融。同門相友。玄本傳云。玄又從東郡張恭祖。受韓詩。故記注多依韓說。六藝論云。注詩宗毛爲主。毛義若隱略。則更表明。如有不同。卽下己意。案鄭箋宗毛。然亦間有從韓魯說者。如唐風素衣朱襮。以繡黼爲綃黼。十月之交。爲厲王時。皇矣。侵阮徂共。爲三國名。皆从魯詩。衛門可以樂飢。以樂爲獯。十月之交。抑此皇父。抑讀爲意。思齊古之人。無駁。駁作擇。泮水。狄彼東南。狄作鬻。皆韓詩說也。

鄭漁仲以素衣朱繡爲齊詩。未詳。

鄭漁仲云。漢氏文字。未有引詩序者。惟魏黃初四年。有曹共公遠君子近小人之語。蓋詩序至是而始行。棟案左傳襄廿九年。季札見歌。秦曰美哉。此之謂夏聲。服虔解誼云。秦仲始有車馬禮樂之好。侍御之臣。戎車四牡。田守之事。與諸夏同風。故曰夏聲。詩正義引之。又蔡邕獨斷載周頌卅一章。盡錄詩序。自清廣至般詩。一字不異。何得云。至黃初時始行于世耶。漁仲又謂詩序作于衛敬仲。亦臆說。

毛公傳詩。世謂趙人毛萇撰。而不知爲大毛公也。薛君爲韓詩章句。世謂淮陽薛漢撰。而不知爲薛夫子也。大毛公名亨。魯人。著故訓傳。見詩譜及初學記。薛夫子名方回。字夫子。廣德曾孫。漢之父也。見唐書宰相世系表。

九經古義卷第七

周禮古義上

天官膳人注云。膳之言夕也。說文。簪。乾因也。从殘。因。日以瞻之。與俎同意。籀文作簪。从因。簪。夕。古字通。穀梁傳云。日入至于星出。謂之簪。管子云。且簪從事。王逸楚辭章句引詩云。樂酒今簪。是皆以簪爲夕。簪之爲物。經夕乃乾。故言夕。或作久。久猶簪也。外傳云。厚味實膳毒。韋昭曰。膳讀若庶。簪。漢之會。久白。酒亦云。簪酒。張參五經文字云。說文作簪。石經作昔。

大宰六典。二曰教典。以擾萬民。注云。擾。猶馴也。案春秋傳云。乃擾畜龍。應劭曰。史記注。擾音柔。擾馴也。尙書擾而毅。徐廣曰。擾一作柔。字本作擾。見玉篇。擾有柔音。故史記或作柔。又有馴音。故李軌。徐邈。皆音尋倫反。或音而小反。失之。

九賦注云。賈人倍算。此漢律也。應劭漢書注云。漢律人出一算。算百二十錢。唯賈人與奴婢倍算。

小宰八成。一曰聽政。役以比居。先鄭云。比居。謂伍籍也。比地爲五。因內政。寄軍令。以伍籍發軍起役者。平而無遺脫也。李靖曰。春秋左氏傳云。先偏後伍。又司馬法曰。五人爲伍。尉繚子有束伍令。漢制有尺籍伍符。後世符籍以紙爲之。於是失其制矣。

宮正幾其出入。注云：謂幾呵其衣服持操。及疏數者。釋文：呵作荷。音呼何反。又音何。毛居正六經正誤云：案關人注：苛其出入。比長注：呵問。秋官萍氏：苛察。環人：苛留。凡五處音義皆同。而字或作荷。或作苛。或作呵。其實一也。古字通用借用。大抵如此。漢書誰問作何。責問作呵。亦作訶。刻虐作苛。芙渠作荷。棟案：刻虐之苛。字本作荷。毛詩序云：哀刑政之荷。春秋傳云：荷慝不作。漢書：好持荷禮是也。今本皆作苛。非也。荷擔之荷。本作何。易何天之衢。論語何養是也。責問之呵。本作苛。漢乙令有呵人受錢。見陳羣新律序說文云：廷尉說律。至以字斷法。苛人受錢。苛之字止句也。苛从止从句。則爲荷字。經典所無。然古文可與句通。康誥云：盡執拘以歸于周。說文引書云：盡執拘。但苛从艸从可。不从止。以苛爲止句。故說文以爲不合孔氏古文。

內饗馬黑脊而般臂螻。注云：般臂。臂毛有文。疏云：鄭答冷剛。童牛之牯。牛在手曰牯。牛無手以前足當之。此馬亦然。故言般臂。北山經曰：諸毗之水。其中多水馬。其狀如馬。文臂。牛尾。郭璞云：臂前腳也。周禮曰：馬黑脊而斑臂。腰。

外饗。饗士。庶子。注云：士。庶子。衛王宮者。若今時之饗衛士矣。續漢書禮儀志云：饗遣故衛士儀。百官會位定。謁者持節引故衛士八自端門。衛司馬執幡鉦護行。行定。侍御史持節慰勞。以詔恩問所疾苦。受其章奏。所欲言畢。饗賜作樂。觀以角抵。樂闋罷遣。勸以農桑。案前漢饗衛士於曲臺。後漢於平樂觀。瘍醫以五氣養之。注云：五氣當爲五穀。字之誤也。何焯云：氣訂義音。籛則字不必改。而義得矣。棟案說文。



饋客芻米曰氣。氣本籛字。經傳無五氣之文。內經云。五穀爲養。五果爲助。五菜爲充。故鄭據此。五氣當爲五穀。訂義非也。

酒正四飲。二曰醫。注云。醫之字从毆。从酉省也。案文當云。从毆。从酒省。說文云。毆。病聲。酒所以治病也。周禮有醫酒。

司裘注。中秋鳥獸。毳毼。釋文云。毳音毛。棟案。毼當爲髻字之誤也。鄭氏尙書云。中秋鳥獸。毳毼。中冬鳥獸。毼髻。涉下而誤耳。

內司服注。六服皆袍制。以白縛爲裏。使之張顯。今世有沙穀者。名出于此。釋名曰。穀。粟也。其形足足而踞。視之如粟也。又謂沙穀。亦取踞踞如沙也。說文云。穀。細縛也。與鄭說合。

地官廩人注。故書廩爲壇。杜子春讀壇爲廩。說云。市中空地。玄謂廩民居區域之稱。案管子五輔篇曰。辟田疇。利壇宅。荀卿子云。定廩宅。是古廩字。皆作壇也。

士訓注。鄭司農云。訓讀爲馴。案訓與馴古今字。史記五帝紀云。帝堯能明馴德。徐廣曰。馴古訓字。又殷本紀。帝舜命契曰。百姓不親。五品不馴。後漢書又作訓。古文作。俗作。萬石君傳。馴行孝謹。亦作訓。易坤初六象曰。馴致其道。鄭注云。馴。從也。徐爰音訓。依鄭義。漢書韋玄成傳。玄成詩云。惟我節侯。顯德遐聞。左右昭宣。五品目訓。訓與開協。則知訓讀爲馴。先鄭之說信矣。

大司徒以土圭之法。則土深。正日景以求地中。注云。故書求爲救。杜子春云。當爲求。案救當作穀。古文求。

說文引虞書云。勞殺僇功。蔡邕石經般庚云。器非殺舉。皆以殺爲求。古數字作捕。表字作求。

其附于刑者。歸于土。注云。土謂主斷刑之官。或謂歸于圜土。鄭以古土字有作士者。故復以圜土釋之。詩周頌云。保有厥士。義作土。世本作篇云。相士作乘馬。卽相土也。呂覽任地云。后稷曰。子能使吾士靖而剛。洛士乎。高誘曰。士當爲土。周牧敦亦以士爲土。

小司徒及三年則大比。注云。大比謂使天下更簡閱民數及其財物也。鄭司農云。五家爲比。故以比爲名。今時八月案比是也。東觀漢記。元初四年詔曰。方今八月案比之時。李賢後漢書注云。案比。謂案驗戶口次比之也。續漢書禮儀志云。仲秋之月。縣道皆案戶比民。疏云。漢時八月案比而造籍書。周以三年大比。未知定用何月。案管子度地篇云。令曰。常以秋歲末之時。閱其民。案家人比地。定什伍口數。別男女大小。其不爲用者。輒免之。有痼病不可作者。疾之。可省作口半事之。

鄉大夫以鄉射之禮。五物詢衆庶。五曰興舞。注云。故書舞爲無。杜子春無讀爲舞。謂能爲六舞。古無興武。同音。武又與舞通。禮器云。周坐戶。詔侑武方。注云。武當爲無聲之誤也。論語射不主皮。馬融云。射有五善焉。一曰和志。體和二曰和容。疑和字衍。有容儀。三曰主皮。能中質。四曰和頌。合雅頌。五曰興武。與舞同。漢武梁祠堂畫象云。秦武陽。今史記作秦舞陽。知古字通。

牛人共兵車之牛。以載公任器。注。任猶用也。二老堂雜誌云。宋景文公博極羣書。其筆記云。余見今人爲學。不及古人之有根柢。每亦自愧。常讀式目中有任器字。注云。未詳其任器。乃荷擔之具。雜見子史中。

何言未詳。予謂禮牛人以載公任器。乃六經語。而景文但引子史何邪。

師氏掌國中失之事。以教國子弟。注云。中。中禮者也。失。失禮者也。故書中爲得。杜子春云。當爲得。記君得失。若春秋是也。三倉曰。中。得也。史記索隱。封禪書云。康后與王不相中。周勃傳。勃子勝之。尙公主。不相中。皆訓爲得。呂覽云。禹爲司空。以通水潦。顏色黎黑。步不相過。竅氣不通。以中帝心。高誘曰。中。猶得。然則中。失猶得失。故鄭用杜說。而不改字。

保氏五射。注。鄭司農云。五射。白矢。參連。剡注。襄尺。井儀也。釋文云。襄音讓。本作讓。諸音非。棟案。讓亦音襄。古字通。大戴記投壺篇本云。弓既平。張四侯。且良。洩拾有常。既順。乃讓。乃揖。乃讓。讓。从言讓聲。乃。隨其堂。乃節其行。既志。乃張。是讓有襄音。詩。角弓。讓與亡叶。

調人云。凡有鬪怒者。成之。鄭司農云。成之。謂和之也。和之。猶今二千石。以令解仇怨。後復相報。移徙之。此其類也。何休公羊注云。古者諸侯有難。王者若方伯。和平之後。後相犯。復故罪。此調人成之之法也。成之者。何和之也。王褒集。僮約注云。漢時官不禁報怨。引見御覽。故二千石。以令解之。令者。漢令有和難之條。鄭云。後復相報。移徙之者。案後漢桓譚疏曰。今人相殺傷。雖已伏法。而私結怨讎。子孫相報。後忿深前。至於滅戶殄業。而俗稱豪健。故雖怯弱。猶勉而行之。此爲聽人自理。而無復法禁者也。今宜申明舊令。若已伏官誅。而私相傷殺者。雖一身逃亡。皆徙家屬於邊。其相傷者。加常二等。不得雇山贖罪。如此則仇怨自解。譚所云舊令。卽先鄭所云。移徙之法也。

質人同其度量。壹其淳制。注杜子春云。淳當爲純。純謂幅廣。制謂匹長。案管子作縵制。制分篇云。衡石一稱。斗斛一量。丈尺一縵。制。戈兵一度。上經注云。量度若今處斗斛及丈尺。愚謂斗斛屬量。戈兵屬度。管子是也。

掌節。皆有期以反節。注云。將送者。執此節以送行者。皆以道里日時課。如今郵行有程矣。漢書趙充國傳云。充國陳兵利害。六月戊申奏。七月甲寅璽書報。從充國計。此郵行有程之證。

遂師及窆。磨。注云。磨者適歷執紼者名也。疏云。天子千人。分布六紼之上。分布稀疏得所。名爲適歷。棟謂歷當作秣。說文秣。稀疏適也。讀若歷。稀疏適均。故謂之適歷。

稍人。掌令丘藥之政令。注云。丘藥四丘爲甸。甸讀與維禹敵之之敵同。其訓曰藥。由是改云。疏云。案毛詩云。惟禹甸之不爲敵者。鄭先通韓詩。此據韓詩而言敵。敵是軍陳。故訓爲藥。由甸出車一藥。可以爲軍。故改云藥。不爲甸也。棟案敵古文陳。見義雲章。小司徒注云。甸之言藥也。讀如中甸之甸。又甸祝注云。甸之言田也。小宗伯注云。甸讀爲田。古陳田字同。陳又訓藥。又與甸通。

司稼。巡野觀稼。以年之上下出斂澶。注云。斂澶者。豐年從正。凶荒則損。若今十傷二三。實際減半。疏云。鄭舉漢澶以況義。十傷二三。謂漢時十分之內。傷二分三分。餘有七分八分在。實際減半者。謂就七分八分中。爲實在。仍減去半不稅。於半內稅之。案後漢紀云。永元五年詔。今年郡國秋稼。爲旱蝗所傷。其什四以上。勿收田租。有不滿者。以實際之。注云。所損不滿四者。以見損除也。然則不滿四者。謂十傷二

三也。十四以上。勿收田租。則不在斂澗之內矣。

春官司几筵。注云。筵亦席也。鋪陳曰筵。藉之曰席。然其言之筵席通矣。大射儀曰。賓升就席。注云。今文席爲筵。是筵與席古今字。故云筵席通。

職喪注云。職主也。周書大聚云。立職喪以恤死。

大宗伯以血祭祭社稷。五祀五嶽。注云。故書祀作禩。鄭司農云。禩當爲祀。案小祝保郊禩于社。杜子春讀禩爲祀。說文云。祀或从禩。汗簡云。古文尙書以禩爲祀。

五命賜則。注云。王莽時以二十五成爲則。方五十里。合今俗說子男之地。王莽傳云。諸公一同有衆萬戶。土方百里。侯伯一國。衆戶五千。土方七十里。子男一則。衆戶二千。有五百。土方五十里。附城大者。食邑九成。衆戶九百。土方三十里。自九以下。降殺以兩。至於一成。五差備。其合當一則。案十里爲成。成百戶。故方百里爲萬戶。方七十里爲四千九百戶。言五千舉成數也。方五十里爲二千五百戶。皆與王制合。附城猶周之附庸。自九成至一成。降殺以兩。五差計之。合一則二十五成之數。呂覽慎勢云。王者之封建也。彌近彌大。彌遠彌小。海上有十里之諸侯。附城一成。其古制與。康成謂唯劉子駿識之爾。

小宗伯云。凡王之會同軍旅。甸役之禱祠。肆儀爲位。注云。若今時肆司徒府也。漢書淮南王傳云。與諸侯王列侯會。肆丞相諸侯議。注云。肆詣也。漢舊儀曰。哀帝元壽二年。以丞相爲大司徒。

肆師注。尙書傳云。王升舟。入水鼓鐘。亞。觀臺亞。將舟亞。宗廟亞。案尙書大傳。亞作惡。鄭注云。惡讀爲亞。施

宿石鼓文釋云。亞汗簡作亞。云古孝經作惡。詳易古義。

凡師不功。則助牽王車。注云。故書功爲工。鄭司農。工讀爲功。古者工與功同字。

凡國之大事。治其禮儀。注云。故書儀爲義。鄭司農云。義讀爲儀。古者書儀但爲義。今時所爲義爲誼。

司几筵。設莞筵。紛純。注云。紛如綬。有文而狹者。漢官儀云。綬長一丈二尺。闊三尺。故云有文而狹。

冢人以爵等爲丘。封之度。與其樹數。注云。別尊卑也。王公曰丘。諸臣曰封。漢律曰。列侯墳高四丈。關內侯

以下。至庶人。各有差。易大傳云。不封不樹。虞翻注云。穿土稱封。封古窆字也。聚土爲樹。其說與冢人合。

丘者丘陔。故曰王公曰丘。封者葬下棺。故曰諸臣曰封。樹數高下無明文。因引漢律以證之。疏以封爲

聚土。樹爲樹木。皆失之。鄭注檀弓。仍以封爲高下之數。非也。

大司樂。凡有道者。有德者。使教焉。注云。道多才藝者。德能躬行者。若舜命夔典樂教育子。是也。釋文云。育

音冑。本亦作冑。說文引虞書云。教育子。云養子使作善也。今薛宣書古文亦作育。尔疋育冑皆訓長。故

馬季長注尙書。亦云冑長也。教長天下之子弟。詳尙書考。

以樂德教國子。中和祇庸孝友。注云。中猶忠也。案中與忠通。漢呂君碑云。以中勇顯名。義作忠。後漢王常

爲漢忠將軍。馮異傳作中。古文孝經引詩云。忠心藏之。何日忘之。見釋文。今毛詩作中。曾子大孝篇云。

仁者仁此者也。義者宜此者也。忠者中此者也。知忠與中同。

凡六樂者。文之以五聲。播之以八音。注云。故書播爲藩。杜子春云。藩當爲播。讀如后稷播百穀之播。棟案

古藩字亦作播。尚書大傳五行傳云播國率相行事。鄭注云播讀爲藩。

令去樂。注云去樂藏之也。春秋傳曰壬午猶繹萬入去籥萬言入則去者不入藏之可知。案古人皆謂藏爲去。春秋傳云去樂卒事。又云紡焉以度而去之。公羊傳云去其有聲者皆訓爲藏。顧炎武云漢書蘇武傳掘野鼠去中實而食之師古曰去謂藏之也。陳遵傳皆藏去以爲榮師古曰去亦藏也。魏志華陀傳去藥以待不祥。臣松之案古語以藏爲去。

樂師詔來瞽臬舞。注云鄭司農云臬當爲告。玄謂臬之言號告國子當舞者舞。說文曰禮祝曰臬登譌曰奏。故臬奏皆从本。周禮曰詔來鼓臬舞。臬告之也。先鄭讀臬爲告者。戰國策曰商君告歸延篤以爲告歸。今之歸寧也。東觀漢記田邑傳云邑年三十歷卿大夫號歸罷厭事少所嗜欲號歸卽告歸也。臬讀爲告。告讀爲號。臬告同音。故大祝注云臬讀爲卒。嗥呼之嗥。漢書記云高祖嘗告歸之田。服虔云告音如嗥呼之嗥。是告又讀爲嗥。然則臬告嗥三字同物同音。故二鄭所讀亦無兩義。顏輔注漢書以爲告字假爲嗥音。並無別義。解朋來經說又以鄭氏前後異讀皆不識古音而妄下雌黃者也。

大胥注。漢大樂律曰卑者之子不得舞宗廟之酎。除吏二千石到六百石及關內侯到五大夫子先取適子。高七尺已上。年十二到年三十一。顏色和順。身體脩治者以爲舞人。疏云既云取七尺以上而云十二到三十則十二者誤。當云二十至三十。又引鄉大夫職以爲證。棟案劉昭後漢書補注引盧植周禮注所載大樂律七尺作五尺。鄭注論語云六尺謂年十五以上則五尺爲十二審矣。賈疏失之。

鑄師凡軍之夜三鑿皆鼓之守鑿亦如之注云守鑿備守鼓也杜子春云一夜三鑿備守鑿也春秋傳所謂賓將趨者音聲相似夏官掌固云夜三鑿以號戒杜子春云讀鑿爲造次之造爲擊鼓行夜戒守也春秋傳所謂賓將趨者趨與造音相近故曰終夕與燎案鑿說文作鑿云夜戒守鼓也从壹蚤聲禮昏鼓四通爲大鼓注作贊引司馬法云云夜半三通爲戒晨旦明五通爲發明注作明讀若戚鄭於鼓人注用叔重之說杜子春又云鑿讀爲憂戚之戚與說文合賈疏云言鑿者聲同憂戚取軍中憂懼之意趨造音相近長言爲趨短言爲戚

鞮韠氏掌四夷之樂注云四夷之樂東方曰鞮南方曰任西方曰株離北方曰禁詩云以雅以南是也後漢書陳禪傳云尙書陳忠勳禪曰古者合歡白虎通作覲之樂舞於堂四夷之樂陳於門故詩云呂雅呂南鞮任朱離注云毛詩無鞮任朱離之文蓋見齊魯之詩也今亡

大卜原兆注云原原田也周易比卦云原筮元永貞干寶曰原卜也周禮三卜一曰原兆春秋傳曰原田崑崙說文云崑崑盛上出也高印之田拆如龜文故曰原田兆之靈罇有似高印之田尔正云高平曰原故曰原兆賈疏以爲原與原田字同恐大憤憤也

大祝六號五曰齋號注云齋號爲黍稷皆有名號也曲禮曰黍曰薌合梁曰薌其稻曰嘉疏案禮記正義云隋祕書監王劭勘晉宋古本皆無稷曰明粢一句立八疑十二證以爲無此一句爲是今此注所引亦無是句當在十二證之一也又獻帝宗廟祝嘏辭所薦一元大武柔毛剛鬣商祭明际香合嘉蔬醎

饗、豐本而不及明粢。又蔡氏獨斷載祭宗廟禮牲之別名及祭號等皆與曲禮同。獨無稷曰明粢一句。九擗。三曰空首。穆天子傳云。天子賜許男駿馬十六。許男降。再拜空首。郭璞云。空首頭至于地。